


文翰大成

百九之十



贊 自漢至明

文

漢書門類	三七四一號	四三函	一〇〇冊
------	-------	-----	------

內閣文庫	漢書類	三七四一號	一〇〇冊	三三函
------	-----	-------	------	-----

內閣文庫	
番號	漢 3741
冊數	100 (63)
函號	362 68



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



綴じ部(喉部分)の文字など開きが不鮮明な箇所あり

文翰類選大成卷第一百九贊目錄

漢

班孟堅三首

晉

夏侯孝若一首 嵇君道一首 袁彥伯一首

宋

范蔚宗一首


唐

梁肅一首 李遐叔二首 蘇茂挺一首 李太白二首

李文饒一首 呂和叔三首 柳子厚三首 常湊中一首

裴中立一首 李翰一首 獨孤至之一首 潘存實一首

白樂天三首 陸魯望一首 釋皎然一首



宋

蘇子瞻十首 黃魯直三首 朱仲晦四首 張敬夫一首

真希元一首

元

王盤一首 劉夢吉二首 虞伯生四首 歐陽原功一首

吳幼清二首 蕭與一首 程文海一首 李洞一首

李繼本一首

國朝

劉基二首 宋濂四首 王禕一首 解縉二首

朱繼善一首 黃淮三首 楊士奇三首 胡儼二首

楊榮八首 周忱二首 李時勉一首 陳敬宗一首

文翰類選大成卷第一百九

左長史上海李伯璽編輯

紀善慈谿馮厚校正

贊類

漢

述高紀贊

班孟堅

皇矣漢祖纂堯之緒。寔天生德。聰明神武。秦人不綱。網漏于楚。爰茲發迹。斷蛇奮旅。神母告符。朱旗乃舉。粵蹈秦郊。嬰來稽首。革命創制。三章是紀。應天順民。五星同晷。項氏畔換。黜我巴漢。西土宅心。戰士憤怨。乘釁而運。席卷三秦。割據河山。保此懷民。股肱蕭曹。社稷是經。瓜牙信布。腹心良平。恭行天罰。赫赫明明。

述成紀贊

孝成皇皇臨朝有光威儀之盛如珪如璋闡闡恣趙朝政在
王炎炎燎人光允不陽

述韓英彭盧吳傳贊

信惟餓隸布實黥徒越亦狗盜芮尹江湖雲起龍驤化為侯
王割有齊楚跨制淮梁縮自同閑鎮我北疆德薄位尊非祚
惟殃吳克忠信胤嗣乃長

晉

東方朔畫贊

夏侯孝若

名湛為中書侍郎

為中書

矯矯先生肥遁居貞退不終否進亦避榮臨世濯足希古振
纓湮而無滓既濁能清無滓伊何高明克柔能清伊何視汗
若浮樂在必行處儉周憂跨世陵時遠蹈獨游瞻望往代爰
想遐蹤邈々先生其道猶龍染迹朝隱和而不同栖遲下位
聊以從容我來自東言適茲邑敬問墟墳企佇原隰墟墓徒
存精靈永戢民思其軌祠宇斯立徘徊寺寢遺像在圖周旋
祠宇庭序荒蕪棖棟傾落草萊弗除肅々先生豈焉是居是
居弗形悠悠我情昔在有德罔不遺靈天秩有禮神監孔明
彷彿風塵用垂頌聲

莊周贊

嵇君道

名含嵇立人
中書侍郎

邁矣莊周天縱特放大塊授其生自然資其量器虛神清窮
玄極曠人偽信季真風既散野無訟屈之聲朝有爭寵之歎
上下相陵長幼失貴於是借玄虛以助溺引道德以自獎戶
詠恬曠之辭家畫老莊之像今王生沉淪名利身尚帝女連
耀三光有出無處池非岩石之溜宅非茅茨之宇馳驅產於

皇衢畫茲象其焉取嗟乎先生高迹何局生處岩岫之居死
寄彫楹之屋託非其所沒有餘辱悼大道之湮晦遂含悲而
吐曲

三國名臣贊

袁彥伯

名宏陳郡
人東郡守

火德既微運纏大過洪飈扇海二溟揚波虬虎雖驚風雲未
和潛魚擇淵高鳥候柯赫之三碓並回乾軸競收杞梓爭采
松竹鳳不及栖龍不暇伏谷無幽蘭嶺無亭菊英人文若靈
鑒洞照應變知微探賸賞要日月在躬隱之彌曜文明映心
鑽之愈妙滄海橫流玉石同碎達人兼善廢已存愛謀解時
紛功濟宇內始救生人終明風槩公達潛朗思同著蔡運用
無方動攝羣會爰初發跡違此顛沛神情玄定處之彌泰情
稽幕裏筭無不經疊疊通韻跡不暫停雖懷赤壁顧西連

知能拯物愚足全生卽中溫雅器識純素貞而不諛通而能
固恂恂德心汪汪執度志成弱冠道敷歲暮仁者必勇德亦
有言雖遇履虎神氣恬然行不脩飾名跡無愆操不激切素
風愈鮮邈哉崔生體正心直天骨踈朗猶字高疑忠存軌跡
義形風色思樹芳蘭剪除荆棘入惡其上時不容捨琅琅先
生雅扶名節雖遇塵務猶振霜雪運極道消碎此明月景山
恢誕韻與道合形器不存方寸海納和而不同通而不雜遇
醉忘辭在醒貽答長文通雅義格終始思戴元首擬伊同恥
民未知德懼若在已嘉謀肆庭謹言盈耳玉生雖麗光不踰
把德積雖微道曠天下淵哉泰初字量高雅器範自然標准無
假全身由直跡涉必偽處死匪難理存則易萬物波蕩孰任
其累六合徒廣容身糜寄君親自然匪由名教敬授既同情

禮兼到烈烈王生知死不撓求仁不遠期在忠孝玄伯剛簡
大存名軀志在高梅增堂及陞端委虎門正言彌啓臨危致
命盡其心禮堂堂孔明基宇宏邈器同生民獨稟先覺標榜
風流遠明管樂初九龍盤雅志彌確百六道喪干戈迭用苟
非命世孰掃雲霓宗子思寧薄言解控釋褐中林鬱為時棟
士元弘長雅性內融崇善愛物觀始知終喪亂備矣勝塗未
隆先生標之振起清風綢繆哲后無妄惟時夙夜匪懈義在
緝熙三略既陳霸業已基公瑛殖根不忘中正豈曰模擬實
在雅性亦既羈勒負荷時命推賢恭已久而可敬公衡冲達
秉心淵塞媚茲一人臨難不惑時昔不造假翮鄰國進能微
音退不失德六合紛紜民心將變鳥擇高梧臣湏顧盼公瑾
英達朗心獨見披草求君定交一面桓、魏武外托霸迹志
掩衡霍恃戰忘敵卓卓若人曜音赤壁三光參分宇宙暫墮
子布擅名遭世方擾撫翼桑梓息肩江表王略威夷吳魏同
賢遂獻宏謨匡此霸道桓王之薨大業未純把臂託孤惟賢
與親輟哭止哀臨難忘身成此南面定由老臣才為世出世
亦湏才得而能任貴在無猜昂昂子敬接跡草萊荷擔吐奇
乃搆雲臺子瑜都長軀性純懿諫而不犯正而不毅符命公
庭退忘私位豈無鶴鳴固慎名器伯言蹇、以道佐世出能
勤功入能獻替謀寧社稷解紛挫銳正以詔疑忠而獲疾元
歎穆遠神和形檢如彼白珪質無塵玷立上以相匡上以漸
清不增潔濁不加染仲翔高亮性不和物好是不羣折而不
屈屢摧逆鱗直道受黜歎過孫陽放同賈屈誅誅衆賢千載
一遇整轡高衢驥首天路仰挹玄流俯弘時務名節殊途雅

致同趣日月懸天瞻之不墜仁義在窮用之不匱尚想遐風
載托載味後生擊節儒夫增氣

宋

光武紀贊

范蔚宗

炎政中微大盜移國九縣懸迴三精霧塞民獸淫詐神思反
德世祖誕命靈既自甄沈機先物深略諱文尋邑百萬貔虎
為群長轂雷野高旗華雲英威既振新都自焚度劉庸代紂
紘梁趙三河未澄四關重擾神旌乃顧遽行天討金湯失險
車書共道靈慶既啟人謀咸贊明之廟謀起之確斷於赫有
命系我隆漢

唐

四皓贊

梁肅

秦失其鹿豪傑並逐鳶鳳何依白雲深谷英之南山采之
芝漢以劔起吾誰與歸括心化元澹泪無為禮物雖至先生
默而惟彼貞石確不可轉儲皇不安我德用顯大君是驚惠
位是寧四公屈身天下和平弋者何思鴻飛冥之

二孝贊

李遐叔

厥初生人有君有親孝於親者為子忠於君者為臣兆自天
命降成人倫背死不義忘生不仁愚及智就為之禮文禮文
不能節其哀繫道德之元純至矣侯氏創鉅病殷手足胼胝
成此高墳蔬果為奠茅蒲為首其奉也敬其生也貧犬漠黃
沙空山白雲栢庭既夕松路未晨冠戎接境豺狼成群夜黑
颼動如臨鬼神哭無常聲迥徹蒼旻風雨漂搖支體鱗皴色
慘義蒿聲酸棘薪直斬二年尔獨終身邑子程生其哀也均

顧後絕配瞻前無鄰冬十一月河水塞津吾將吊之其路無
因寄誠斯文揮涕河濱

四皓後贊

時濁代危賢人去之商洛深山鸞鳳潛飛漢以霸興皇王道
衰玉帛雖至先生不歸吾非固然可動而起飛眉皓髮來護
太子至尊動容奪嫡心已四賢暫屈天下定矣返駕南山白
雲千里

雙白鷹贊

蘇茂挺

鷹之大者精明踈峻勁而橫絕雄則遠振錦文素綵珠聯玉
潤往乃奮威將軍所徇鷹之次者勇銳光芒截海而至乘風
載揚絡以紅點文其綵章下韝必中惟吏之良

李居士贊

李太白

至入之心如鏡中影揮斤萬變動不離靜彼贊我斤揮風是
騁了物無二皆為匠郢吾旗賢老名喧寫真貌圖粉績生為
垢塵徒白得衰與天為鄰儼然不語長存此身

金鄉薛少府聽畫鶴贊

高堂開軒兮雖聽訟而不擾圖蓬山之奇禽想瀛洲之縹緲
紫頂煙飛丹眸星皎昂然佇瞻霍若驚矯形留座隅勢出天
表謂長鳴於風霄終寂立於霜曉疑翫益古俯察逾妍舞疑
傾市聽似聞絃倘感至精以神變或可弄景以浮煙

唐武宗皇帝真容贊

李文饒

唐運中興天授大君軒耀其武堯煥其文北伐儉狃漢朔無
氛西伏堅昆稽首稱臣復生靈關盜起河汾沈機先物雄斷
解紛克定群慝竟全大勳八表既寧萬機益勤爰命采績載

模天真崑閬仙峯峻極秋旻蓬瀛白日光照清晨涵育如天
尊嚴若神輝赫絢縕為龍為雲聖作物覩禎祥以臻宣光乃
孕虞熙載甄政建中和金聲玉振太階既平廟器乃陳化下
以德持盈以仁四瀆宗海衆星拱辰億萬斯年藻朗日新

凌煙閣勳臣贊二十四首

呂和叔

河間元王孝恭

太極攝天本由一氣大人創業資我族類堂之河間仁勇是
經通駿有聲為唐宗英暴隋天亡群盜猖狂我伐用張時維
哲王武有烈光為爪翼肺腸經綸八方自南徂東晏海澄江
使父兄帝天下化家為邦用竭尔力寵錄其極言不伐色不
德必遜以默柔嘉維則佐高祖建大勳如周日奭與大宗守
大成如漢間平宜君宣王盤石無疆

房梁公元懿

梁公先覺龍臥待君長慧流光掃天布新義師雷與公躍其
鱗杖策千里來謁帝閭婉婉梁公實懿實聰實公實融羽義
翼忠若鷺若鴻大風動地儒服從容靜運曾中弛張折衝左
右太宗夷屯廓蒙定高祖功告武成翊開太平我雖忘勞
時靡有爭網羅遺賢推轂群英玉不韜輝蘭無沈馨飛鳴出
實振鷺在庭濟濟多士太宗以寧公無事矣闕袞有補惟仲
山甫經營四方方叔召虎大邦鈞軸至則委汝閑居合輔為
默自處亦莫敢予侮高朗令終嗚呼梁公

杜萊公如晦

穆之宋公奇資粹靈蘊元和氣為大國楨乘時恢能唐室大
開故人相携直上大階更為陰陽迭作日月佐明四海贊有

萬物王度是欽如玉如金德音惜之萬有千古永稱房杜如周申甫

魏鄭公徵

堂之魏公崇節大志喬幹直聳摩天自致遭風雲時得霸王器一言委質有死無二撫我則后各盡其志沈浮變通龍戰既息皇建其極俾補衮職其繩則直諤之巖之危言正色保太宗德弼遠替否日月不蝕黜漢霸雜行周王道入或有言秉德不撓禮興樂崇德合道豐保合太和昭明有融起四年中復三代風言出化成神弘厥功伊躬佐商有取于湯公以其志匡飭聖唐為唐宗臣致唐無疆永式萬邦

長孫趙公無忌

趙國之先發祥朔土乃祖乃父受天之祐為天下父有子而賢為唐室輔聖賢同氣十載一覩不顯趙公允文允武克忠克仁實有大勳高祖受命太宗歸尊翼之乾之恪居于藩群孽亂嗣爭親神器鴻業將墜公揭大義一匡天地人至于今家受其賜帝將傳聖爰有顧命汝忠汝誠莫與汝京志我聖子守唐太平公相高宗有太宗遺風刑措財豐八荒來同和氣大融妖星襲月禱起中宮公將正之以王帝躬力屈群邪誠阻天聰默非其由令問無窮

唐呂公儉

歲寒陰凝冰雪皚皚有鳥擇木先陽春來誰歟呂公王佐之材間運未開登潛龍臺代萬姓請命與天為媒拔龍而興振起雲雷權輿帝圖經始唐基始覆一篲勳焉魏之易失者時難知惟幾知幾其神呂公元勳

劉渝公政會

河出崑崙來潤中夏連山含沓橫擁其派巨靈勃然手摩大
華決注東海功平造化粵我聖君將舉晉陽帝命是將往拯
溺于四方亦既載旆亦既秉鉞強兇當路拒不得發渝公慷
慨感義激節用奇制變大事立決雷奮霆越天衢八達則莫
我敢遏如巨靈破山河勢始豁赫矣渝公志神齊烈跡如仙
掌烟之不减

李衛公靖

有隋之末群盜熾熨帝怒震發五星從太白煥照參野將有
聖人共定天下金精下射猛毅感激李公矯之從此奮跡躍
于中原王者則獲壯士不死唐威載赫帝曰汝傑致天之
手付金鉞伴牲式遏不庭則殺如賊發如火烈如摧枯
雪應鼓如截遠若荆巫險若江湖強若匈奴莫不率從莫不
震恭車書混同氛侵蕩空衛戩之功功則維何威明惠和策
勇駕智長驅仁義仁義曠蕩帝王之將萬古曷瞻鐵山嶼

李英公勳

橫流莫極大亂無象英公傑出應運為將志楚之霸志漢之
王天時人事隨我所向長蛇縱蠱東據河洛焚之封豕來濟
同惡號吼連聲如雷如霆萬里震驚時維英公諒我太宗斬
豕以鉞取蛇于穴羣穢殄滅乃定九鼎乃開明堂奄有大邦
余甲同光告成于王皇業用昌帝命英公北伐獫狁雷鼓殷
殷旌頭幾殞掃雲黑山布唐陽春五原草綠不見南牧島夷
未庭天子親征其鋒維英莫拒莫抗是震是蕩破東海浪天
下既和解鞍投戈遠服委他華髮儲之終始三朝無玷可磨

劉夔公弘基

夔公崢嶸。金虎之精。應時而生。志運俱行。捨帝元戎。震唐天
聲。曠目張膽。前無金城。別建龍節。中分虎旅。啓行萬里。乘氣
一鼓。劔揮雷庭。旆卷風雨。先馳咸陽。鎮定天府。天府既定。唐
集大命。入揚王庭。出摧兵柄。薄伐獫狁。朔風不競。徂征島夷。
東海如鏡。義始忠卒。元勛之盛。

長孫邳公順德

泰山未明。雲霧幽崖。日觀赫開。舒為丹霞。昔我太宗。賢傑潛
屯。帝出于震。爛其盈門。邳公炳焉。實耀其間。功參造物。謀協
先天。執爰前驅。捧轂南轅。以勞以舊。佐命之元。

虞永興公世南

英之永興。華德素行。以文富國。以道佐命。天下既定。為唐儒

宗。東觀石渠。始生古風。乘精繹思。假道書圃。駉馳百代。出入
三古。問羲黃心。聽堯舜語。歸來帝則。獻可替否。帝告永興。為
鴻儒之倫。闡六籍三墳。建樂章禮文。先師是宗。於廓辟雍。辟
雍沉沉。天子所臨。或絃或歌。講古述今。其從八千。纓弁森
。藏猶羞髮。咸詠德音。羽林孤兒。亦垂青衿。洋洋聲教。無遠不
。日月所照。皆成文字。鬱開古始。掃蕩澆季。實我群儒。成大
宗之志。英之永興。宜曰文懿。

尉遲鄂公敬德

洗之鄂公。百鍊龍泉。沈鬱未宣。氣衝斗間。佩非其人。躍入大
川。神武獲焉。提之上天。天地之內。指麾無前。熊威虎力。隱若
敵國。剛毅木訥。安劉必勃。武德之屯。手拔補根。掃除氛昏。捧
出日月。耀于天門。功成名遂。高謝戎事。烈之猛志。化為和氣。

深地高堂順性保命層瓊飲露靜奏清商商為臣勸事君鄂
公之志之仁

蕭宋公瑀

隋氏不君忠賢莫用桐生朝陽有集惟鳳捨彼頽厦鬱為新
棟路車玄袞開國有宋武德之暮群孽內蠹魏宋公葆節
高步不吐不茹不來不去屹岫中立為天一柱也公而言社
稷遂安持誠秉忠光輔一君激濁揚清欲人如身道至廣晉義
放羣境至大不容纖塵雪山倚空冰壑照入耿介絕倫為唐
貞臣

張郊公公謹

有倬郊公修之而貞佚之而仁實太宗信臣有宗守藩內難
未夷圖之則安捨之則危帝臨安危機以懼以疑以著為先
知是筮是咨郊公疑然排隴折著抗憤正詞用人事定天音
身為元龜不知不識順帝之則以定社稷郊公之力公之云
亡帝念其勤苦痛在身天懷發中哭不避辰君臣之間夔古
未聞

屈突蔣公通

五運相推土火革期隋化為唐忠臣不知猶駭義徒奮拒王
師指心誓天摩頸待時人歸有德四海皆叛春日滿川流水
未泮亡家徇國者寸不乱力屈勢窮排空落翰東南勸哭聲
盡魂斷伏忠就禽萬國瞻漢帝曰尔通古之烈士孝于其親
誰不欲子俾候于將授以師紀感恩不死宣力如彼佐唐扶
隋名教之美

高申公士庶

維岳降神。佐唐生申。忠貞自天。孝友如春。德為邦基。仁厚人倫。肅之雍之。真王者臣。慶因歸妹。光延天配。婚媾之中。雲龍潛會。建功南海。廓我無外。諒我撥亂。弼文開泰。遏彼庸蜀。存鍾澆季。文翁之化。若掃于地。申公攸祖。有教無類。父子兄弟。望風相媿。勃興儒雅。大復禮義。西南頌聲。到今不墜。名登元勳。理冠群吏。全材大器。於爍厥懿。

殷鄖公開山

溫之殷公。初若懦夫。銅印試吏。褒衣為儒。大風駭雲。忽為之俱。遭逢真宰。參造化謨。天地既闢。厥功有赫。從王龔行。佐帝光宅。遠展騏驎。足高揮鳳。翮以永終。譽垂于竹帛。

秦胡公叔寶

洛灼之役。龍戰未決。秦公應變。臨陣電掣。銳氣盡來。我盈彼竭。成敗反掌。存亡奄忽。虎來風壯。鼉轉山沒。遂作心膂。爰從討伐。崩圍陷陣。火迸冰裂。翁若鸚聲。縱若鯨突。功成國定。萬古壯骨。

程盧公知節

盧公倬然。動軼幾先。轉補為福。攀龍上天。續翹鵬翼。積風乃聳。桓之將軍。大敵則勇。雷崩山谷。貌虎頓伏。颯倒溟波。鯨鯢蹉跎。見危而進。當死不讓。干城三朝。身老氣壯。

段褒公志玄

褒公亮臣。先運而臻。謁帝太原。許唐與身。擁劍駕氣。騰風躍雲。積忠累仁。光有厥勳。建旄北伐。細柳宵屯。風謚霜凝。巖扃達晨。夫子之使。駐車軍門。安衆秉威。比真將軍。恍之相之。克壯有聞。

許譙公紹

群動相食血流中原。譙公夷陵射虎為鄰。列境連城火炎煙
昏。皎其一邦如玉不焚。三光忽開萬象皆新。誰有天下平生
故人引忠歸誠。豹變蠖伸。金石之契移為忠臣。弈之煌之。為
龍為光。元戎啓行。大旆夾之。式遏大江。奄征南方。恩斯勤斯
兩不可忘。

張荊州畫贊

唐有棟臣。往矣其邈。世傳遺像。以竟後學。德容恢異。天骨峻
擢。波澄東溟。日照秦嶽。具瞻崇之。起敬起忠。貌與神會。凜然
生風。氣蘊逆鱗。色形匪躬。當時曲直。如在胷中。鯨鱗初脫。激
海以化。羊角巾頽。摩天而下。無喜無愠。亦如斯畫。嗚呼為臣。
敬爾夙夜。

伊尹五就桀贊

柳子厚

聖有伊尹。思德於民。往歸湯之仁。曰仁則仁矣。非又不親。退
思其遠之道。宜夏是因。就焉不可。復反。亮殷猶不忍。其遲亟
往。以觀。庶狂作聖。一日勝殘。至千萬冀。一卒無其端。五往不
疲。其心乃安。遂升自階。熱桀尊湯。遺民以宗。大人無形。與道
為偶。道之為大。為人父母。大矣伊尹。惟聖之首。既得其仁。猶
病其久。恒人所疑。我之所大。嗚呼遠哉。忘以為誨。

龍馬圖贊

靈和粹異。孕至神兮。保尾童鬣。疏紫鱗兮。巍然特出。瑞聖人
兮。理平和樂。百樂陳兮。鳴銜在御。大路遵兮。世履道悖。還吾真
兮。哀鳴延首。慕水濱兮。沛馬潛沫。旋瀚瀚兮。淵居海逝。靈無
鄰兮。出處孔時。類至仁兮。嗟尔衆類。孰是倫兮。進昏死乱。沾

厥身兮匪馬之慕吾誰親兮贊之斯圖宜世珍兮

霹靂琴贊

霹靂琴處陵湘水西震餘枯桐之為也始枯桐生石上說者言有蛟龍伏其窟一夕暴震為火之焚至旦乃已其餘空然倒卧道上震旁之民稍柴薪之超道人聞取以為三琴之莫良於桐之良莫良於生石上石上之枯又加良焉火之餘又加良焉震之於火為異是琴也既良且異合而為美天下將不可載焉微道人天下之美幾喪余作贊辭識其越之左與右以著其事又益以序以為他傳辭曰惟湘之涯惟石之危龍伏之靈震焚之奇既良而異爰合其美超實為之贊者柳子

西山四皓畫圖贊

帝渠中

煥之思為理為璋孰光乎不耀之光幽之深之為山為林

孰繫其心足知乎虛室生白玄門不關流水去住清風往還豈比夫稷契在世巢由在山一物有累兩心不閑者哉閑之謂何簪裾薜蘿本不干我豈云其他熙之忻之與時為春巨漢避秦惟茲四人于德之鄰不孤其身于礪之濱不迷其津繪事既素孰知其故想像儀形念茲丹青擘之深谷遠迤俛仰今古空林住時鳳豈無德高皆有群出處語默南山白雲

自題寫真贊

裴中立

爾才不長爾貌不揚胡為將胡為相一片靈臺丹青莫狀揚

鳳閣王侍郎傳論贊

李翰

仙縉山賓靈液流津積德累仁生賢清神孝以事親忠以為臣履道正身秉國之鈞君子哉若人尚德哉若人

尚書右丞徐公寫真圖贊

獨孤至之

哲匠運思天姿是具假之筆精實以神過居然成象豁若披
霧瞻仰神鋒如窺武庫婉之高議昂之獨步絕頂孤松空波
白鷺不犯之色匪躬之故孰知其化亦在毫素

四公子贊

潘存實

四人為身萬二千人為耳目四人為梁萬二千人為榱桷有
危可平有死可生豈披威憑寔惟義爭嗟乎人之家或財不
自與心不自是妻不睦夫父不慈子而况乎萬二千士懿哉
恨目不覩此

騶虞畫贊

白樂天

孟山有獸仁心毛質不殺生芻不食生物有道則見非時不
出三季以還退藏於密我聞其名徵之於書不識其形得之
於圖白質黑文倪首虎軀是耶非耶孰知之乎已矣夫已矣
天崩不見其往者後不見其來者于嗟乎騶虞

獬豸贊

貌哉奇獸生于南國其名曰獬豸非鐵不食昔在上古人心忠
直征伐教令自天子出劔戟省用銅鐵羨溢獬豸當是時飽食
終日三代以降王法不一鑠鐵為兵範銅為佛之像日益兵
刃日滋何山不剗何谷不陳銖銅寸鐵罔有子遺悲哉彼獬
無乃緩而嗚呼匪獬之悲惟時之悲

畫鵬贊

鷲禽之英黑鵬丁之鉤綴八爪劔插六翎想入心匠寫從筆
精不卵不鷗一日而成軒然將飛戛然欲鳴毛動骨活神來
著形始知造物不必窅冥但獲天機則與化爭韓幹之馬籍
籍知名薛稷之鶴翻之有聲研工數能較真闔靈豈無他人

不如我兄。

怪松圖贊

陸魯望

松生陰隘巖獄穴。械病乎不快。卒以為怪。擁腫支離。神羞鬼疑。道人嗟咨。筆傳其奇。或怪其形。或奇于詞。自為怪魁。是以贊之。

唐大通和尚法門義贊

釋皎然

觀淨之空。斯言不住。四色蓮花。白花為喻。應知離相。或未圓通。吾師惠心。雲開天空。

宋

贊王元之畫像

蘇子瞻

惟昔聖賢。患莫已。知公遇太宗。允也其時。帝欲用公。不少貶。三黜窮山之死。蔡感感。咸平以還。備為名臣。一時之岳。萬世之伸。紛。鄱夫亦拜公像。何以占之。有泚其頰。公能泚之。不能已之。茫。九原愛莫起之。

孔北海贊

晉有匈奴盜賊之靡。欺孤如操。又羯所耻。我書春秋。與齊。齒。文舉在天。雖亡不死。我宗若人。尚有千祀。視公如龍。視操如鬼。

李端叔真贊

鬚髮之拳然。眉宇之淵然。披胃腹之掀然。以為可得而見。歟。則漢乎其無言。以為不可得而見。歟。則已見。盡於龍眠矣。嗚呼。其將為不雨之雲。以抱其全乎。其將為既琢之玉。以役其天乎。抑將遊戲此世。而時出於兩者之間也。

仁宗皇帝御書贊 二首

其一曰天地不言付之人君明其德刑物自秋春人君無心
屬之輔弼信其當罰身為衡石惟天惟君與相為三孰能俛
有其德而南於皇仁宗恭已無為以天為心以臣為師其師
鄧公履信思順天下頌之以退為進壽考百年以沒其身嗚
呼休哉寅亮天地弼予一人
其二曰聖人如天時殺時生君子如水因物賦形天不違仁
水不失平惟一故新惟新故一故不流新故無數伊尹暨
湯咸有一德周雖舊邦其命惟新孰知此言若出一人小臣
稽首獻頌遺墨嗚呼休哉日新其德

王定國真貧

溫然而澤者道人之腴也凜然而清者詩人之灑也雍容委
蛇者貴介之公子而短小精悍者游俠之徒也何人足以知
之此皆其膚也若人者秦不驕困不撓而老不枯也

秦少游真貧

以君為將仕也其服野其行方以君為將隱也其言文其神
曷置而不求君不即即而求之丑石不藏以為將仕將隱者皆
不知君者也蓋將挈所有而乘一附遇以游於世而卒反於其
鄉者乎

參寥子貧

東坡居士曰惟參寥子身寒而道富辯於文而納於口外庭
柔而中健武與人無競而好刺譏朋友之過枯形灰心而喜
為感時玩物不能忘情之語此予所謂參寥子有不可曉者
五也

文與可墨竹貧

與可之文其德之糟粕與可之詩其文毫末詩不能盡溢而為書變而為畫皆詩之餘其詩與文好者益寡有好具德如好其畫者乎悲夫

二疎賚

惟天為健而不干時沈潛剛克以燮和之於赫漢高以智力王凜然君臣師友道喪孝宣中興以法馭人殺蓋韓揚蓋三良臣先生憐之振袂脫屣使知區々不足驕主此意莫陳千載于今我觀畫圖涕下沾襟

蘇東坡賚二首

黃魯直

子瞻堂堂出於螯眉司馬班揚金馬石渠閣士如牆上前論士釋之馮唐言語以為階而投諸雲夢之黃東坡之酒亦難之箇嬉笑怒罵皆成文章解羈而歸紫微玉堂子瞻之德未變於初爾而名之曰元祐之黨貶之珠崖儋耳方其金馬石渠不自知其東坡赤壁也及其東坡赤壁不自意其紫微玉堂也及其紫微玉堂不自知其珠崖儋耳也九州四海知有東坡東坡歸矣民笑且歌一日不朝其間容戈至其一丘一壑則無如此道人何

岌岌堂堂如山如河其愛之也引之上西掖寫坡是亦一東坡非亦一東坡稿項黃馘觸時干戈其惡之也投之於鯤鯨之波是亦一東坡非亦一東坡計東坡之在天下如太倉之一粳米至於臨大節而不可奪則與天地相終始

自寫真賚

飲不過一瓢食不過一簞田夫亦不改其樂而夫子乃謂之賢何也顏淵當首萬物而奉以四海九州而厚之若是故曰

人不堪其憂若余之於山澤魚在深藻鹿得豐草伊其野性
則然蓋非抱沉陸之屈懷迷邦之寶既不能詩成無色之畫
畫出無聲之詩又白首不聞道則奚取於似摩詰為若乃登
山臨水喜見於清揚豈似優孟為孫叔敖虎賁似蔡中郎者
邪。

警學齋

朱仲晦

讀易之法先正其心肅容端席有翼其臨于卦于爻如筮斯
得假彼象辭為我儀則字後其訓句逆其情事因其理意適
其平曰否曰減如目斯見曰止曰行如足斯踐毋寬以略毋
密以窮毋固而可毋必而通平易從容自表而裏及其貫之
萬事一理理定既實事來尚虛用應始有體該本無稽實待
虛存體應用執古御今由靜制動潔靜精微是之謂易體之
在我動有常吉在昔程氏繼周紹孔與旨宏綱星陳極擬惟
斯未啓以俟後人小子狂簡敢述而申。

原象資

太乙肇判陰降陽升陽一以施陰兩而承惟皇昊義仰觀俯
察奇耦以陳兩儀斯設既幹迺支一各生兩陰陽交以立
四象奇加以奇曰陽之陽奇而加耦陽陰以章耦而加陰
內陰外耦復加耦陰與陰會兩一既分一復生兩三才三目
八卦指掌奇奇而奇初一日乾奇而耦兌次二焉奇耦而
奇次三日離奇耦而耦四震以隨耦奇而奇巽居次五耦奇
而耦坎六斯觀耦而奇艮居次七耦而耦八坤以畢初
畫為儀中畫為象上畫卦成人文斯朗因而重之一百八悔
六十四卦由內達外交易為體從此來彼變易為用時終而

勤降帝而王博夏歷商有占無文民用弗彰文王受命公
繫爻視此八卦二純六交乃乾斯父乃坤斯母後以良男巽
離兌女離南坎北震東兌西乾坤良巽位以四維建官立師
命曰周易孔聖傳之是為十翼遭秦弗燼及宋而明邵傳義
書程演周經象陳數列言盡理得弥億萬年永著常式

稽類贊

八卦之象說卦已全考之於經其用弗專彖以情言象以像
告惟是之求斯得其要乾健天行坤順地從震動為雷巽入
木風兌險水泉亦雲亦雨離麗文明電日而火段止為山兌
為澤以是舉之其要斯得凡卦六虛奇耦殊位奇陽耦陰
各以其類得位為正一五為中二臣五君初始上終貞悔體
分爻以位應陰陽相求乃得其正凡陽斯淑君子居之凡陰
斯慝小人為常可類求變非例測非常身變謹此為則

復卦贊

萬物職之其生不窮孰其尸之造化為工陰闔陽開一靜
一動於穆無疆全妙用奚獨於斯潛陽壯陰而曰昭哉此
天地心蓋翁無餘斯闢之始生意闢然具此全美其在于人
曰性之仁歛藏方寸包括無垠有茁其萌有惻其隱予以充
之四海其準曰惟茲今眇綿之間是用齋戒掩身閉關仰正
義圖稽經協傳敢贊一詞以詔無倦

朱葛孔明畫像贊

張敬夫

惟忠武侯識其大者伏羲履正卓然不合方臥南陽君將終
身三顧而起時弢屈伸難平者事不昧者幾大綱既得萬日
乃隨我奉天計不震不竦維其一心而以時動意俟此萬

世不泯遺像有嚴瞻者起敬

心經齋

真希元

舜禹授受十有六言萬世心學此其淵源人心何之於形
氣有好有樂有忿有懣惟慾易流是之謂危須臾或放或悞
後之道心伊何根於性命曰義曰仁曰中曰正惟理無非是
之謂微毫芒或去其存幾希二者之間曾弗容或之必精
如辨白黑知及仁守相為始終惟精故一惟一故中聖賢矣
興體姚法妙持綱挈維昭示來世戒懼謹獨問邪存誠曰忿
曰慾必窒必懲上帝實臨其敢或或至漏雖隱寧使有愧四
非當克如敵斯攻四端既發比肩而充意必之萌雲必帝撤
子諒之生春虛物茁鷄大之效欲知其求牛羊之牧濯之是
夏一指有皆執貴執賤簞食萬鍾辭受必辨克治存養交致

道心萬善之主天之此

其大者斂之方寸大極在

之萬事其用弗窮若寶靈

若奉拱壁念茲在茲其可

以相古先民以敬相傳操約施

博執此為先我來作州茅

廷懼爰輯格言以滌肺腑明窓

柴几清晝爐熏開卷肅然

我天君

元

魯齋先生畫像齋

王盤

氣和而志剛外圓而內方
四時屈伸與道翱翔或躬耕大
行之穰或判事中書之堂
和褐蓬茅不為荒涼珪組軒冕不
為輝光虛舟江湖晴雲卷
舒上友千古誰與為徒

王允中真齋

劉夢吉

齒未老鬢胡為而白耶
然含四海之憂鬢雖衰顏胡為而

壯耶。凜然橫千仞之秋。以石丹心。砥柱中流。百折而必東。寸折而不柔。其履危犯險。以袖一身。然視循默苟容。貽害當世者。不優耶。

書畫像自贊

所以承先世之統者。如延其孤。所以當衆人之望者。如是其虛。嗚呼危乎。不有以持之。其何以居。

西夏相幹公書像贊

虞伯生

西夏之盛。禮事孔子。其尊親以帝廟祀。乃有儒臣。早究典謨。通經同文教。其國。遂相其君。作服施采。顧瞻學官。遺像斯在。國廢時遠。人鮮。知壞宮改作。不聞金絲。不忘其親。在賢孫子。載圖丹青。永徂良史。

臨川吳先生書像贊

未廣而精。德周而尊。鷹。群言以究斯文章。甫玄端。其

右。豈第君子。天錫眉壽。

自贊畫像

遊乎千載之下。而謂古。分一時也。嗟乎五尺之軀。而謂天地一體也。廓乎不自知其。附知也。欲乎未能至其所至也。俛乎若憂。非有傷乎其內也。出乎若休。無所待乎其外也。服今人之服。食今人之食。同乎。之。人。聊以順吾際也。讀古人之書。誦古人之詩。思夫古之。八不知老之至也。

大象圖贊

偉馴象。貢自南域。偉。平。鑊錫路車。是服維皇。在興游目。之。云。任重持安。眈力知德。之。然。閒以思。馮之几格。天章龍文。蔡。造極嗟爾微勞。尚軼宸。之。師武臣。能有不察識。若稽包犧受。

圖布畫遠取不遺以啓神易擬茲形容克配古昔臣用述贊與世作則

默庵安先生畫像贊

歐陽原功

寤寐乎明善誠身之書步必榮於教授之四世荀陵白茅重而忠信著玄酒醇而不相遇者吾故於默庵之威如蘇先生畫像贊

英之紫芝皎之素絲宜極遠靜脩劉先生畫像贊

靜脩劉先生畫像贊

聲於裕皇之仁而見不可留之四皓以世祖之路而遇不能致之兩生烏虜麒麟鳳凰固宇內之不常有也然而一鳴而六典作一出而春秋成則其志不欲遺世而獨往也明矣亦將從周公孔子之後為往聖繼絕學為來世開太平者耶

晦庵先生畫像贊

吳幼清

聖義密微蠶絲牛毛心習恢廓海闊天高爰傑之才聖賢之學景星慶雲泰山喬岳

臨川野老自贊

身形瘦削春林獨鶴眼睛閃爍秋霄一鶚遠絕塵滓大同家廓自鳴自和自歌自樂

質齋贊

蕭與

上古聖神仰觀俯察旁及鳥獸取象維八書契干戈登瑞

揭化成之具於焉以茲。魏乎煥乎。重華位陟。文命誕敷。懋昭
大德。視民如傷。于湯有光。姬情孔思。謨訓洋洋。經緯三極。時
維至文。世變風移。履其質云。世之謂文。古所無有。游夏言行
昭々。可考。絺章繪句。錦心繡口。充棟汗牛。世用曷取。蔽天之
明。宰人之靈。繇政迄廣。既斯以成。卓哉。祁君。矜世之病。質以
自居。求盡其性。如彼泉流。載浚厥源。彼華彼實。載殖厥根。如
實尚白。循々勿々。立德立言。成已成物。

李秦公畫像贊

程文海

歷觀宰輔。久無儒者。潛龍羽翼。其公乃大雅帝曰。舊學汝遂相
予。真儒之效。此其權輿。熙運方開。明良起喜。如龍如雲。如魚
如水。任以天下。可謂大臣。勞謙得士。清靜寧民。想其風采。金
玉珪璫。賜之畫圖。式是百祥。豈惟丹青。盛德形容。尚友凌煙。

黃閣清風

潘雲谷墨贊

李洞

徂徠松雲。貯玄谷道人。丘中抱其獨琅々。空山萬杵熟。道人
曄然。開電目。松雲化石々。化玉崢嶸。寶氣星漢。燭頁之奎章。
月在橫龍光。淋漓九字福。

畫像自贊

李繼本

烏乎汝乎。氣餒而弱。貌朴而愚。行方而滯。志大而踈。雖讀書
而不求其解。雖體道而僅得其粗。雖同乎今之人。而以聖賢
為矩墨。雖食夫今之祿。而視軒冕猶泥塗。我固以為至拙。人
亦笑其甚迂。烏乎汝乎。胡不挹學海之浩瀚。溥時雨之霑濡。
使萬里融貫。而善不遺中。高靈明而一塵不污。炯如一段清
冰。出萬壑。置在迎風寒露之王壺。

國朝

畫龍贊

劉基

鯀其角蒼其鱗蚘蚪其身胡為乎而神至陽之精健與天倫形而求之惡識其真于嗟龍兮

靈峯寺植木贊

杏葉葱芊有子可以實籩松枝扶疎有苓可以引年櫟狀如擣衆蠹所穿擁腫液哺不可以鑄胡並植于庭混厥醜妍明堂求材殷趨爾先松戕杏割櫟獨宛然嗚呼櫟乎孰女之憐惟女之全抑棄于人乃獲乎天耶

龍馬贊

宋濂

夫駟焚蛟龍升靈泓澄神馬生祥瑞霽畫香冥天一翕聚通精靈龍胡為是臆輕竹披耳鏡懸晴花雪捲毛光照夜汗溝有血霞流頰振鬣鳴萬馬驚閃流電逐飛星九霄彷彿從龍行但聞蕭々風雨聲三川平八極寧真龍媒獻龍廷出入天門駕龍輅太霞五彩滿瑤京皇風清皇道貞皇威明茫々堪輿為孰敢不來庭陋彼漢將軍空圍貳師城乃知天子在樹德不必連年後用兵

虞文靖公像贊

朱明之運離火降精也丹鳥離袂為駕綵輅也手握化樞人文昭明也補帝衮衣五色熒々也上凌霄漢下燭九溟也無幽不啓無芳不祭也頓挫萬彙配合二靈也獨騎元氣栖神窈冥也之死弗歿隨物流形也凝為喬雲燦為德星也琬琰所勒鬼秘神高也命世之材一代之英也

滕奉使貧

漢有蘇武奉使不屈。滕公配之。有聲烈々。黃旗裹屍。以全臣節。如壁之白。弗緇。弗缺。其人雖亡。而神不滅。上游帝所。凌厲日月。降臣見之。肝碎膽裂。敢述貧詞。勒在貞碣。

溟洋生貧

龍圖成章。有文從衡。以潛以明。以拽其歲。以奠乎玄黃。昔我素王。韋編三絕。墜緒微茫。誰其我綴。我參我腴。九師衰之。我苞我晶。百氏穰之。如何之渾。如瞶而昏。如治絲以棼。天未降割。一髮攸存。惟洛有士。居于百原。超神冲漠。凝於畫先。數往知來。小大斯甄。莫峻匪涯。我涉其顛。莫深匪淵。我言永簡。材以異。非隱弗傳。有冥者冢。卒昭以宣。或得其猶。載神于言。炎々未錄。惟其訖矣。長星餓柳。色之赤矣。青祥見徵。土曼飢矣。朋昏以世。莫之戚矣。魚在在鬻。尚其息矣。維生之知。中如沸羹。彼昏不知。覆謂我狂々々。如何我憂。孔多我山。我河我用弗磨。俾淪胥以訛。我酒既嘉。我瑟又蘇。我寧不獻歌。北風其涼。旂旒央々。戎車麗々。蕩々江流。抗之如陸。有腥其穢。流血沃々。海氛方殷。其何能目。人有恒言。風雨漂搖。夏宇障之。涉于大川。烝徒楫之。楫副宇橈。牙々焉。依國武斯隊。不知攸戒。日隕弗升。雖晝夜。鷄舞於林。鬼瞰于舍。孰投是艱。曾莫之艾。乃怒乃驚。乃瞻乃行。乃避死于冥。曠生之為。胡不神以著。徵之古聖。匪程伊度。何以言之。卒淪于數。一曲之淹。不通其故。易道既泯。數亦不類。激貧於生。發我長喙。月出皎兮。在天之心。在天之心。何古何今。

宋景濂像貧

王禱

外和而神融。內充而面晬。衣冠雖晉人之風。氣象實宋儒之懿。夫其知言以窮天下之理。養氣以任天下之事。隱則如虎豹之在山。出則類鳳麟之瑞世。後乎千載而有存中乎。兩問而無媿。此蓋古君子之所難然。吾謂斯人之必至。

戴升能像贊

蕭之乎。冰雪之姿。濟之乎。山林之服。萃和氣以中充。藹高標而外肅。蓋其著述之富有年于茲。而進脩之勤。惟日不足。將自致乎儒林文苑之間。庶幾繼往哲之芳躅。

秦王傅胡子真贊

解摺

忠簡之孫。風流尚存。義氣激昂。勇奪三軍。經術文華。列星瑞雲。翰墨輝煌。飛鳳翔麟。昔侍函丈。煦于熙春。今觀畫像。儼端緝紳。芙蓉之陽。天玉麟珣。永示儀矩。泐茲後人。

虛舟子畫像贊

節義文獻。世德之粹。鍾道學政術。里仁之範。鉅精金美玉之文。其餘工。高譚卓識之見。其蠶封。吊湘江。歷南海。方自以為達。在玉堂金馬。人不知其窮。沛乎其進未止。吾不知其所從。仰天衢而獨步。信學海之孤樵也。

呂推府小像贊

朱繼善

不競不綈。惟道之求。不剛不柔。惟德之脩。進之廊廟。可以黼黻。散乎皇猷。真之藩屏。可以砥柱乎中流。豈直可以明刑折獄。為釋之定國之儔而已乎。

至樂先生杜君畫像贊

黃淮

內寬外嚴者。質之美。言謹行端者。學之力。既約己而裕人。亦歛華而就實。聊薄試乎泮林。尋退休于泉石。惟至樂之在斯。

諒伊人之叵識吁嗟先生分亦獨何心庶幾委順兮無愧厥德

高節庵德賜畫像贊

貌不踰中人而度量廓如也言不誇詡而文與理俱也行不詭異而駸々乎前賢步趨也動則行其志靜則涵泳乎聖謨也嗚呼先生斯其為學問之功資之深德之符也

江雲和尚像贊

身外身影中影世界虛空俱幻境雲江法海本來同湛寂真源還自省

古廉李先生贊

揚士奇

氣充而志端外和而內剛其學也本淵純深其文也篤實輝光史館謹嚴經筵裨益有矩有規惟正惟直玉署金馬

天子有詔

晁庵像贊

偉乎其儀淵乎其中簡而有執和而無同襟宇澄瑩涵秋露於玉壺氣韻洒落揚皓雪於青松洙泗閔洛其學之源大河長江其文之權事

聖明之主崇近密之任承禮遇之隆其千載之遭逢也而泊然如抱虛退然如執冲孳々於徃括乾々乎終日者蓋希先民道德之意君子為仁之功歟

行儉像贊

學博而志端識敏而才充其秀發也粲芙蓉於綠水其清拔也挺華嶽於晴空承明延閣足以續休乎家世詞命論思足

以增重於國華方當任賢與理之時祿位所臻豈吾所能
量其涯哉

韓退之贊

胡儼

六經之文孔孟之道特立獨行旁搜遠紹樞深浩淼莫窺其
涯守正不回斗山魏

蔡西山贊

道傳先師德垂後裔終始無渝得喪一致行不愧影臥不愧
衾踐履經史清風古今

四皓子陵淵明謝安四贊

楊榮

此亦芝燁之高山我之爰居爰處其樂孔多束帛爰之公乃一
出漢本以正留侯之續

府羊裘釣絲清風千古
解印彭澤浩然賦歸三徑未荒松菊依之漉酒有中熙然如

春逸節高風義皇上人
高臥東山漠若無情幡然一起足慰蒼生淮淝之捷喜折屐

齒盛業榮名輝映青史
伯牙張良子猷李白四贊

虞鼓南薰孔操猗蘭往聖既邈古調孰彈流水高山知者能
幾卓哉子期妙契斯理

韓祀未復義激于中圮橋之會天啓其逢取復惟恭恐耻折
節功成名高千古卓絕

有美山陰幽趣誰同瞻彼綠竹翛然清風乘興命輿徑造其
所於焉嘯歌孰為賓主

所於焉嘯歌孰為賓主

匡廬之山神秀所鍾瀑布千尺宛若飛虹掃拭謫仙銀河在
目咳唾天風粲然珠玉

孝思堂贊

周忱

瞻彼王氏有堂翼翼孝子攸居思焉罔極其思伊何惟父惟
母罔極之恩欲報無所爰自穉齡庭椿已摧及其成立萱草
復萎孑立筮之陟屺陟岵入學從師賴于世父撥料濟仕駘
馬繡衣千鍾之祿不及庭闈朝斯夕斯念之不置罄歎音容
常日在是矧伊顯宦身立名揚
天書錫寵媿及泉堂惟川有涸惟山有岵思親一心永之無
已

宋中書士皋畫像贊

然如春陽之明也其守恪然如釋竹之貞也承善慶於累世
聞詩禮於過庭虎榜題名擢青年之黃甲鳳池染墨冰侍參
之 思榮噫此 盛世之俊乂乃故家之翹英仕既優而篤
學能不安於小成吾見其名位之與福履將日進而日升

祭酒陳公敬宗像贊

李時勉

襟懷瀟灑儀觀瓌奇凜乎冰霜之操偉然玉雪之資涵濡於
詩書禮樂之英華究極於仁義道德之精微行無媿於古人
才可濟於當時任秋官而能慎於刑獄居翰苑而克盡乎論
思轉貳國子衆或以為異陞秩司成人皆以為宜學問文章
足以重士林之望威儀言論足以為後進之規是蓋將躋於
壽考進於顯融而不止於斯也

禮部侍郎陳璉像贊

陳敬宗

維山峻極伊德之尊江漢汪洋學之博也維王之潤伊性之
溫儀鳳九苞文之焯也是用樂育乎外庠陸鑄乎太學施名
郡之豈弟肅憲府之寒言諤司喉舌於銀臺而贊寅清於宗伯
也此真

國家之儒碩士林之著目龜君子之所視效學者之所瞻依寅事
五朝始終一致年弥高而德弥邵名愈隆而志愈厲珮玉冠
冕肅穆盛容蓄之厚者發必大觀其外可以知其中懷之乎
老臣之忠蓋坦々乎仁者之心宵宜其享壽祿於永久而膺壽
福於無窮也

水壺贊

水之清心與之徵而道與之凝壺之虛量與之俱而德宏有
餘壺之有水洞徹而明剛嚴之操君子厲貞水柔水堅爰化
之功學以似之萬理昭融既堂吾軀復潔吾廬終身光明吁
嗟水壺

黔寧王世家誥券替并序

童軒

誥文四十五通券二迺我朝

列聖賜黔寧王世家之恩典也今鎮守雲南總戎黔國公出
以示軒徵言以為之贊伏觀王室勲德之隆而
天朝報功之厚君臣之間恩義交孚真千載之一遇也其視
漢高帝之於韓彭唐太宗之於侯魏文烏可以同年語哉於
戲盛矣謹拜手稽首而為之贊曰

維昔元季草昧失鹿海內沸騰毫社已屋 天啓

聖人挺生淮甸義旗一揮東征西怨代虐以寬易暴以仁來
蘇溪后順天應人惟黔寧王適丁其運龍虎風雲千載斯慶

乃奮天戈乃拔鉛山如雷如霆如飛如翰進擣閩溪閩悉衆
守我武維揚如拉枯朽關陝未寧王諭寧之川歲未欵王伐
平之既降朶工復掃群醜胡孽就擒知院授首于時海宇以
次廓清蠶爾蠻滇猶弗來廷

帝謂爾英爾其往定王率三軍一戰而勝帝謂爾英滇實遠
夷爾留是守以撫以綏乃錫榮恩丹書鐵券帶礪山河永矢
弗替繼有西平亦克象賢桓威武遵憲罔愆再傳定遠捷
捷樹立折衝尊俎儒將是匹討定叛夷圖功收終誥券再頒
恩典惟崇四葉黔國仍胙滇上訓士練兵張皇威武今公嗣
爵克篤忠貞聿修文教大誥戎兵恩威並施夷羅歸心無或
我貳璽書下旌龍文赫奕裕後光前振古罕及豪邁英賢猗
歎休氏佳孝佳忠與國成木永世無窮

文翰類選大成卷第一百十文目錄

漢

司馬長卿二篇

齊

孔德璋一篇

唐

李元賓一篇 獨孤至之一篇 柳子厚五篇 韓退之二篇

白樂天一篇 李遐叔一篇 袁皓一篇 程浩一篇

宋

真宗一篇 仁宗一篇 柳耆卿一篇 王元之二篇

王介甫二篇 陳希元一篇 劉原父一篇 林半千一篇

蔡君謨一篇 朱仲晦一篇

元

徐世隆 一篇 王磐 一篇 盧處道 一篇 閻子靜 一篇

薛友諒 一篇 宋誠夫 一篇

國朝

劉基 一篇 宋濂 四篇 李繼本 三篇 解播 一篇

周忱 一篇 胡啓先 二篇

文翰類選大成卷第一百十文目錄

斯之為符也。以登介立，不亦應乎。進讓之道，何其爽歟。於是
大司馬進曰：陛下仁育群生，義征不諱，諸夏樂貢，百蠻執贄。
德侔往初，功無與二。休烈浹洽，符瑞衆變。期應紹至，不特創
見。意者泰山梁甫，設壇場，望幸，蓋號以况。祭上帝，垂恩儲社，
將以慶成。陛下謙讓而弗發也，契三神之歡，缺王道之儀，群
臣忍焉。或謂且天為質，闡示珍符，固不可辭。若然，辭之是泰
山靡記，而梁父周幾也。亦各並時而榮，咸濟敷世，而屈說者
尚何稱於後。而云七十二君哉。夫脩德以錫符，奉命以行事，
不為進越也。故聖王不替，而脩禮地祇，謁款天神，勅功中嶽，
以章至尊。舒盛德，發號榮，受厚福，以浸黎元。皇皇斯事，天
下之壯觀。王者之不業，不可貶也。願陛下全之，而後因雜播
紳先生之略術，使獲曜日月之末光，絕炎以展，案籍事猶燕

正列其義被飾厥文作春秋一藝將襲舊六為七德之無窮
俾萬世得激清流揚微波飛英聲騰茂實前聖所以永保鴻
名而常為稱首者用此宜命掌故悉奏其儀而覽焉於是天
子沛然改容曰俞乎朕其試哉乃遷思迴慮摠公卿之議詢
封禪之事詩大澤之博廣符瑞之富

難蜀父老文

漢興七十有八載德茂存乎六世威武紛紜湛恩汪濊群生
霑濡洋溢乎方外於是乃命使西征隨流而攘風之所被用
不披靡因朝冉從駮定筮存耳略斯榆舉苞蒲結軌還轅東
鄉將報至于蜀都若老大夫探紉先生之徒二十有七人儼
然造焉辭畢進曰蓋聞天子之於夷狄也其義羈縻勿絕而
已今罷三郡之士通夜郎之塗三年於茲而功不竟士卒勞
文翰類選大成卷第一百十

左長史上海李伯瓊編輯

紀善慈谿馮厚校正

文類

漢

封禪文

司馬長卿

伊上古之初肇自昊穹之生民歷選列辟以迄於率邇者踵
武歛聽者風聲紛綸威蕤湮滅而不稱者不可勝數也繼詔
夏崇號謚略可道者七十有二君罔若淑而不昌疇逆失而
能存軒轅之前遐哉邈乎其詳不可得聞已五三六經載籍
之傳維風可觀也書曰元首明哉股肱良哉因斯以談君莫
盛於唐堯臣莫賢於后稷后稷創業於唐公劉發跡於西戎

文王改制爰周郅隆大行越成而後陵遲衰微千載亡聲豈不善始善終哉然無異端慎所由於前謹遺教於後耳故軌迹夷易之遵也湛息龐鴻易豐也憲度著明易則也垂統理順易繼也是以業隆於樞樞而崇冠於二后揆厥所元終都攸卒未有殊尤絕跡可考於今者也然猶躡梁父登泰山建顯號施尊名大漢之德逢涌源泉沕瀟曼羨旁魄四塞雲布霧散上揚九垓下沂八埏懷生之類霑濡浸潤協氣橫流武節森逝適陬遊原遐闊沫沫首惡鬱沒晻昧昭晰昆蟲閭牖回首面內然後囿騶虞之珍羣徵麋鹿之怪獸道廿一莖六穗於庖犧雙貉共柢之獸獲周餘珍放龜于岐招翠黃乘龍於沼鬼神接靈囿宿於間館竒物譎詭倣儻窮變欽哉符瑞臻茲尚以爲德傳不敢首封禪蓋周躍魚膺航休之以燎微夫

文翰類選大成卷第一百十

補遺

不自棄文

朱仲晦

夫天下之物皆物也而物有一節之可取且不為世之所棄可謂人而不如物乎蓋賤如石而有攻玉之用毒如蝮而有和藥之需糞其穢矣施之發田則五穀賴之以秀實灰既冷矣俾之洗滌則衣裳賴之以精潔食龜之肉甲可遺也南人用之以卜年食鵝之肉毛可棄也峒氓縫之以禦臘推而舉之類而推之則天下無棄物矣今人而見棄焉特其自棄爾五行以性其性五事以刑其刑五典以教其教五經以學其學有格致體物以律其文章有課式程式以梯其富貴達則以是道為知為相窮則以是道為師為友今人見棄而怨天

文翰類選大成卷第一百十

尤人豈理也哉。故怨天者不勤，尤人者無志。反求諸己，而自尤，自罪自然自悔。卓然立其志，銳然策其功，視天下之物，有一節之可取，且不為世之所棄，豈以人而不如物乎。今名卿士大夫之子孫，華其身，甘其食，諛其言，傲其氣，遨遊燕樂，不知身之所以輝潤者，皆乃祖乃父勤勞尅苦也。飲芳泉而不知其源，飯香黍而不知其田。一旦時異事殊，失其故態，士焉而學之不及，農焉而勞之不堪，工焉而考之不素，商焉而資之不給。當是時也，窘之以寒暑，艱之以衣食，妻垢其面，子嬰其形，雖殘格冷炙，乞之而不慚，穿衣破履，服之而無耻，黷然而莫振者，皆昔日之所為。有以致之而然也。吾見房栱平土，動苦僅能立門戶，遭不肖子弟，湯覆殆盡，斯可鑑矣。之元

不識一。當時粥為酒，囊飯袋，及世變運衰，餓死於溝壑，亦可計數。此又其大成也。為人孫者，當思祖德之勤勞，為人子者，當思父功之刻苦，孜孜汲汲，以承其事，兢兢業業，以立其志。人皆趨彼，我獨守此。人皆遷之，我獨不移。士其業者，必至於登名，農其業者，必至於積粟，工其業者，必至於作巧，商其業者，必至於盈貲。若是則於身不棄，為人無愧，祖父不失其貽謀，子孫不論於困辱，永保其身，不亦宜乎。

此言不識一。當時粥為酒，囊飯袋，及世變運衰，餓死於溝壑，亦可計數。此又其大成也。為人孫者，當思祖德之勤勞，為人子者，當思父功之刻苦，孜孜汲汲，以承其事，兢兢業業，以立其志。人皆趨彼，我獨守此。人皆遷之，我獨不移。士其業者，必至於登名，農其業者，必至於積粟，工其業者，必至於作巧，商其業者，必至於盈貲。若是則於身不棄，為人無愧，祖父不失其貽謀，子孫不論於困辱，永保其身，不亦宜乎。

倦萬民不贍今又接之以西夷百姓力屈恐不能卒業此亦
使者之累也竊為左右患之且夫邛笮西夷之與中國並也
歷年茲多不可記已仁者不以德來彊者不以力并意者其
始不可乎今割齊民以附夷狄故所恃以事無用鄙人固陋
不識所謂使者曰烏謂此乎必若所云則是蜀不變服而巴
不化俗也僕常惡聞若說然斯事體大固非觀者之所觀也
余之行急其詳不可得聞已請為大夫粗陳其略蓋世必有
非常之人然後有非常之事有非常之事然後有非常之功
夫非常者固常人之所異也故曰非常之原黎民懼焉及臻
厥成天下晏如也昔者洪水沸出汜濫衍溢民人并降移徙
崎嶇而不安夏后氏感之乃堙洪塞源決江疏河灑沈澹災
東歸之於海而天下永寧當斯之勤豈惟民哉心煩於慮而

身親其勞。躬腠斷無胥膚不生毛。故休烈顯乎無窮。聲稱浹乎于茲。且夫賢君之踐位也。豈特委瑣啜齷拘文牽俗。修誦習傳。當世取說云爾哉。必將崇論閎議。創業垂統。為萬世規。故馳騫乎蕪容。并包而動思乎參天。貳地。且詩不云乎。普天之下。莫非王土。率土之濱。莫非王臣。是以六合之內。八方之外。浸淫衍溢。懷生之物。有不浸潤於澤者。賢君耻之。今封疆之內。冠帶之倫。咸獲嘉祉。靡有闕遺矣。而莫狃殊俗之國。遠絕異黨之域。舟車不通。人跡罕至。政教未加。流風猶微。內之則犯義侵禮。於邊境外之則邪行橫作。放殺其上。君臣易位。尊卑失序。父兄不辜。幼孤為奴。虜係縲號。泣內嚮而怨曰。蓋聞中國有至仁焉。德洋恩普。物靡不得其所。今獨曷為遺已。舉踵思慕。若枯旱之望雨。矣夫。為之垂涕。况乎上聖。又焉能已。故北出師以討彊胡。南馳使以誦勁越。四面風德。二方之君。鱗集仰流。願得受號者。以億計。故乃關沫若。徼狎狗。鑿靈山。梁孫原。創道德之塗。垂仁義之統。將博恩廣施。遠撫長駕。使䟽迹不閉。習爽闇昧。得輝乎光明。以偃甲兵於此。而息討伐於彼。遐邇一體。中外提福。不亦康乎。夫拯民於沈溺。奉至尊之休德。反衰世之陵夷。繼周氏之絕業。天子之亟務也。百姓雖勞。又惡可以已乎哉。且夫王者固未有不始於憂勤。而終於逸樂者也。然則受命之符合在於此。方將增太山之封。加梁父之事。鳴和鸞。揚樂頌。上咸五。下登三。觀者未覩。旨聽者未聞。音猶鶴鵬已翔乎寥廓之宇。而羅者猶視乎藪澤。悲夫。於是諸大夫芒然喪其所懷來。失厥所以進。喟然並稱曰。允哉漢德。此鄙人之所願聞也。百姓雖勞。請以身先之。敞而

靡徒遷延而辭退

齊

北山移文

孔德璋

鍾山之英草堂之靈馳煙驛路勒移山庭夫以耿介拔俗之
標蕭洒出塵之想度白雪以方潔干青雲而直上吾方知之
矣若其亭二物表皎二霞外芥千金而不盼履萬乘其如脫
聞鳳吹於洛浦值新敬於延瀨固亦有焉豈期始終參差蒼
黃反覆淚程子之悲慟朱公之哭乍迴迹以心染或先真而
後黷何其謬哉嗚呼尚生不存仲氏既往山阿寂寥千載誰
賞世有周子雋俗之士既文既博亦玄亦史然而學道東魯
習隱南郭竊吹草堂濫巾北嶽誘我松桂欺我雲壑雖假容
於江皋乃纓情於好爵其始至也將欲排巢父拉許由傲百

世茂王侯風情張曰霜氣橫秋或歎幽人長往或怨王孫不
游談空々於釋部數玄々於道流務光何足比涓子不能儔
及其鳴騶入谷鶴書赴隴形馳魄散志變神動爾乃肩軒帶
次袂聳筵上焚芟製而裂荷衣抗塵容而走俗狀風雲悽其
帶憤石泉咽而下愴望林峦而有失顧草木而如喪至其紐
金章縮墨綬跨屬城之雄冠百里之首張英風於海甸馳妙
譽於浙右道帙長擯法筵久埋敲扑誼囂犯其憲牒訴恹惚
裝其懷琴歌既斷酒賦無續常綢繆於結課每紛綸於折獄
籠張趙於往圖架卓魯於前籙希蹤三輔蒙馳聲九州技使
其高霞孤映明月獨舉青松落陰白雲誰侶磻戶摧絕無與
歸石逕荒涼徒延竚至於還颺入幕寫霧出楹蕙帳空兮夜
鶴怨山人去兮猿驚昔聞投箸逸海岸今見解蘭縛塵纓

於是南嶽獻嘲。北隴騰笑。列壑爭譏。攢峰竦諷。慨遊子之我欺。悲無人以赴弔。故其林慙無盡。澗愧不歇。秋桂遺風。春蘿擺月。騁西山之逸議。馳東臯之素謁。今乃促裝下邑。浪棧上京。雖情投於魏闕。或假步於山扃。豈可使芳杜厚顏。薜荔無恥。碧嶺再辱。丹崖重滓。塵遊躅於蕙路。汚淥池以洗耳。宜扃袖幌。掩雲關。斂輕霧。藏鳴湍。截來轅於谷口。杜妄纏於郊端。於是叢條賸瞻。疊穎怒魄。或飛柯以拚輪。乍低枝而掃迹。請迴俗士駕。為君謝逋客。

唐

謁夫子廟文

李元賓

世載儒訓者隴西李氏子。觀正詞為繫執。繫為莫恪。以上薦桓撥之十有三祀。孟秋之月朔。修冕帶。問廟而入。再拜兩柱之下。乃退伏而稱曰。於皇夫子之道之德。與天地周旋。與日月合明。乃聖乃神。炳乎典謨。惟王者得之以事神。使民庶人得之。以不失其死生。諸侯得之以事天子。大夫得之以保祿位。怨天不及其身。四時得之。而序行天下。得之。而大同。然則天地神人之事。昭乎夫子之道之德也。至矣。何小子之所竊歎焉。斯歎也。其惟來學乎。其惟乞靈乎。曰。某不敢然也。且夫禮樂決於明。夫子之善道也。斯可謂以學矣。鬼神瞰於幽。夫子之明靈也。斯可謂以敬矣。孰敢捨道而來學。黷敬而乞

靈者乎。於是再拜而起。獨翔而觀。章施足徵。像設無喧。我朝
俎豆。我王衣冠。夫子得之。亦無愧言。七十之徒。亦公亦侯。外
如君臣。內實討論。烝之小子。思得其門。夫子聖人。天錫元精。
其未生也。若超然神遊。與兩氣俱存。其既生也。遇三季之會。
飄飄湮淪。絃歌之音。拊而不和。仁義之圖。卷而靡陳。及相魯
而有喜色。去宋而曰相。雖其如予。何聖人之窮。乃有如是耶。
噫。俾夫子生於堯之代。堯必後舜。而先夫子。生於舜之代。舜
則必先夫子。而後禹。聖人得時化可知也。如舜禹生於夫子
之年。則不過守於田畝之中。安有夫子之教。垂於無窮。若今
日之澶漫者乎。惟夫子生實陪臣。沒乃王爵。有聖德也。惟紂
生實殷辟。死曰獨夫。有逆德也。惟爵證在德。惟德有聖。有逆
惟聖逆在人。不在於尊。嗚呼。夫子聖人之極。歟。鳳鳥不至。無
其時也。秦人燒書。文之衰也。帝唐爵王。德之興也。惟夫子之
德。洎唐之德。永而能安。古而更新。降康下民。莫有烈光。訖無
間然。小子忉。二慄。二拜奠而出。匪作匪述。

招比客文

獨孤至之

蜀之先曰蠶叢。分縱其目以稱王。當周室陵頽兮。亂無紀綱。
洎乎杜宇。從天而降。鼈靈泝江而上。相禪而帝。據有南國之
九世。蜀本南夷人也。皆左其衽而椎其髻。及通乎秦也。始於
惠王之代。五牛琢而秦女至。一蛇死而力士斃。二江雙注。群
山四蔽。其地卑陋。其風脞脆。蠻貊狼處。滇蠻為隣。地偏而兩
儀不正。寒薄而四氣不均。花葉再榮。秋冬如春。暮夜多雨。朝
旦多雲。陽景罕開。陰氣恒昏。以暑以溼。為瘴為癘。氣滯蟄以
中人。吾知重膾之疾兮。將嬰爾身。蜀之不可往。比客歸去來兮。

其東則有大江濤二。下絕地垠。百谷相吞。出於荆門。突然吼
劃。附于太白。游瀟礪。會于滄溟。跳噴浩淼。上濺飛鳥。蹙縮
盤渦。下漩龜鼉。三峽兩壁。亂峰如戟。岷岬屹崿。頽洞劃折。高
于天。霓雲外。水積晝日無光。其下黑窄。瞿塘無底。淺處萬尺
啼猿哀。腸斷過客。復有千歲老蛟。能變其身。好飲人血。化
爲婦人。銜服靚粧。游于水濱。五月之間。白帝之下。洪濤塞峽。
不見滄溟。翻天蹙地。霆吼雷怒。亦有行舟。突然而去。人未及
顧。權未及舉。瞥見陽臺。不辨雲雨。千里一歇。日未移午。須臾
黑風暴起。拔樹震山。石走砂飛。波騰浪翻。舟子失據。摧檣折
竿。漩入九泉。沒而不還。支體糜散。滄海又石。間水濊呀。技刺
爭食。蜀之東不可往。北客歸去來兮。

其西則有高山萬重。峻極屬天。西有崑崙。其峰相連。日月
環闕于山巔。巒崖盤嶽。天壁夔絕。陽和不入。陰氣固閉。千年
增冰。萬古積雪。終寒地坼。谷凍石裂。夏月草枯。春天木拆。蒼
烟凝兮黑霧結。人墮指兮馬傷骨。江水噴激。迴盤紆縈。棧壁
緣雲。鈎連相撐。繩梁喋虛。傍杳杳冥。下不見底。空聞波聲。過
者矍然。亡魂喪精。復引一索。其名爲笮。人懸半空。度彼絕壑。
或如鳥兮。或如攫。倏往還來。幸不落。或有豪猪千群。努鬣射
人。寒能乳碩。登樹自擲。見人則擘。巨麋如牛。脩角如劍。餓虎
爭肉。吼怒闕。復有高崖墜石兮。聲若雷之軒轟。上敲下盪。
似火迸兮。滿山流星。澗溪忽兮。倒流林岸。爲之頽傾。碎騰狃
與過鳥。駭木魅兮。山精飛石。壓人兮。不可行。西有犬戎。與北
山通形貌。類人。言語不同。羶廬隆穹。毳裘蒙茸。啜酪啖肉。持
槍挾弓。依草及泉。務戰與攻。其聲如犬。其聚如蜂。中國之人

兮。或流落於其中。豈只掘鼠茹雪以取活。終當鉞其足而繫
其臂。泣漢月於西海。思故鄉於北風。蜀之西不可往。北客歸
去來兮。

其南則有邛笮之關。天設險艱。少有平地。連延長山。橫亘廬
江。隔閼百蠻。吁彼漢源。上當漏天。靡日不雨。四時濤然。其人
如魚。爰處其泉。終年霖霖。時復日出。祈二諸犬。向天吠日。人
皆溼寢。備死腰疾。復有陽山之路。毒瘴下凝。白日無光。其氣
曹二。暑雨下溼。黃茅上蒸。南方之人兮。不敢過。豈止走獸蹄
兮。飛鳥墮。吾不知造化兮。何之。此方些。蜀之南不可以往。北
客歸去來兮。

其北則有劔山嶢。天鑿之門。二壁豁。高崖嶙峋。上柱南
斗。傍鎮于坤。下有長道。北達于秦。地神州中有聖人。左右

鳳皇金殿麒麟布。德垂澤。搜賢修文。皇化欣。煦然如春。蜀
之北不可以往。北客歸去來兮。

招海賈文

椰子厚

咨海賈兮。君胡以利易生。而卒離其形。大海溘泊兮。顛倒日
月。龍魚傾側兮。神怪隨突。滄茫無形兮。往來遽卒。陰陽開闔
兮。氛霧滄渤。君不返兮。逝况惚舟。航軒昂兮。不上飄鼓。騰
曉嶼兮。萬里一觀。萃入泓沕兮。視天若臆。奔竄出井兮。翔鵬
振舞。天吳九首兮。更笑迭怒。垂涎閃舌兮。揮霍旁午。君不返
兮。終為虜。黑齒棧。鱗文肌。三角駢列兮。耳離披。反斷。义牙
踔。嶽崖。蛇首。狝鬣。虎豹皮。群沒互出。謹邀嬉。臭腥百里。霧雨
瀰。君不返兮。以充飢。弱水畜。繡其下。不極。投之必沉。負羽無

力。鯨鯢疑畏。滄之疑。君不返兮。卒自賊怪。石森立。涵壑淵。
高下。刈置。滔危。顛崩。濤搜。疏刻。戈鋌。君不返兮。嘉沉。顛其外。
大泊。評齋。淪終。古迴。薄旋。天垠。八方。易位。更錯。陳君不返兮。
亂星辰。東極。傾海。流不屬。浪。超忽。紛盪。沃始。而一跌兮。沸
入。湯谷。舳。艦。罪。解。稍。若。木。君不返兮。魂。焉。薄。海。若。畜。貨。號。風
雷。巨。鼇。領。首。丘。山。頽。猖。狂。震。號。翻。九。垓。君不返兮。糜。以。摧。咨
海。賈。兮。君。胡。樂。出。幽。險。而。疾。平。夷。恟。駭。愁。苦。而。以。忘。其。歸。上
黨。易。野。恬。以。舒。蹈。蹂。厚。土。堅。無。虞。峻。路。脉。布。彌。九。區。出。無。入
有。百。貨。俱。周。游。傲。睨。神。自。如。撞。鍾。擊。解。恣。歡。娛。君不返兮。欲
誰。須。膠。鬲。得。聖。指。監。魚。范。子。去。相。安。陶。共。呂。氏。行。賈。南。面。孤
弘。羊。心。計。登。謀。謨。者。監。大。冶。九。鄉。居。祿。秋。山。委。收。國。租。賢。智
走。諾。爭。下。車。逍。遙。縱。傲。世。所。趨。君不返兮。謚。為。愚。咨。海。賈。兮
賈。尚。不。可。為。而。又。海。是。圖。死。為。險。嵬。兮。生。為。貪。夫。亦。獨。何。樂
哉。歸。來。兮。寧。君。聖。

逐畢方文

山海經云章義之山有鳥如鶴一足赤文
白喙其言曰畢方則其邑有謠火

后皇庇人兮。敬授群材。大施棟宇兮。小蔽草萊。各有攸宅焉。
時闔而開。炎炎為用兮。化食生財。胡今茲之怪戾兮。日十熟
而窮災。朝儲清以聯。遂兮。夕蕩覆而為灰。焚傷羸老兮。炭死
童孩。呼號隨突兮。戶駭人哀。袒天狂走兮。倏忽往來。鬱攸孽
暴兮。混合恢台。民氣不舒兮。僵踣顛頽。休炊息燎兮。又伏煨燂。
門。寤。晦。黑兮。啓。伺。奸。回。君。隊。之。天兮。若。生。之。鬼。令。行。不。訛。兮。國。恐
蓋。已。問。之。禹。書。畢。方。是。崇。嗟。爾。畢。方。兮。胡。肆。其。暴。皇。曾。聰。明。兮。念
此。下。地。炎。皇。所。愛。兮。慘。死。無。貳。幽。形。扇。毒。兮。陰。險。詭。異。汝。今
不。懲。兮。眾。怨。咸。至。皇。斯。震。怒。兮。殄。絕。汝。類。祝。融。悔。禍。兮。回。祿

屏氣大陰施威兮。玄冥行事。汝雖赤其文。隻其趾。逞工衍巧。莫救汝死。默知亟去兮。愚乃止此。高飛兮。翔遠伏兮。無傷海之南兮。天之裔。汝優游兮。可卒歲。皇不怒兮。永汝世。日之浪兮。今速逝急。如律令。

乞巧文

擲子夜歸。自外見有設祠者。饗餌馨香。蔬果交羅。挿竹垂綵。剖瓜犬牙。且拜且祈。怪而問焉。文隸進曰。今茲秋孟七夕。天女之孫。將嬪於河。鼓邀而祠者。幸而與之巧。驅去蹇拙。手目開利。組縫製將無滯於心焉。爲是禱也。擲子曰。苟然歟。吾亦有所大拙。倘可因是以求去之。乃纓弁束衽。促武縮氣。旁趨曲抗。偃僂將事。再拜稽首。稱臣而進曰。下土之臣。竊聞天孫專巧于天。膠輅璇璣。經緯星辰。能成文章。精微帝躬。以臨

下民。欽聖靈仰光耀之日久矣。今聞天孫不樂其獨得。貞卜於玄龜。將蹈石梁。款天津。麗於神夫于漢之濱。兩旗開張。中星耀芒。靈氣翕歛。茲辰之良。幸而弭節。薄遊民間。臨臣之庭。曲聽臣言。臣有大拙。智所不化。醫所不功。威不能遷。寬不能容。乾坤之量。包含海岳。臣身甚微。無所投足。蟻適于垤。蝸休于殼。龜蠶螺蚌。皆有所伏。臣物之靈。進退唯辱。仿倖為狂。局束為諛。吁。為詐。坦。為忝。他人有身。動必有宜。周旋獲笑。顛倒逢喜。已所尊昵。人或怒之。變情徇勢。射利抵巇。中心甚憎。為彼所奇。忍仇佯喜。悅譽墮隨。胡執臣心。常使不接。反人是已。曾不惕疑。貶名絕命。不負所知。扑嘲似傲。貴者啓齒。臣旁震驚。彼且不取。叩稽匍匐。言語譎詭。令臣縮恐。彼則大喜。臣若效之。瞋怒叢已。彼誠大巧。臣拙無比。王侯之門。狂吠。狂

行臣到百步。喉喘顛汗。睚眦逆走。魄遁神叛。欣之巧夫。徐入
縱誕毛群。掉尾百怒。一散世途。昏險擬步。如漆左低。右昂。聞
冒衝突。鬼神恐悸。聖智危慄。泯焉直透。所至如一。是獨何工
縱橫不恤。非天所假。彼智焉出。獨嗇於臣。怕使玷黜。沓沓
騫恣口所言。迎知喜惡。默測情憐。搖唇一發。徑中心原。膠加
鉗夾。誓死無遷。探心扼膽。踊躍拘牽。彼雖佯退。胡可得旃。獨
結臣舌。暗抑銜冤。孽骨流血。一辭莫宣。胡為賦授。有此奇偏
眩耀為文。瑣碎排偶。抽黃對白。吟哢飛走。駢四儷六。錦心繡
口。宮沉羽振。笙簧觸手。觀者舞悅。誇談雷吼。獨溺臣心。使其
老醜。器昏莽鹵。撲鈍枯朽。不期一時。以俟悠久。勞羅萬金。不
鬻弊帚。滄呈豪傑。投棄不有。眉曠頰蹙。嚙曾歐天。報而歸
真恨低首。天孫司西。而窮臣若。是卒不余。昇獨何。雖秋。夜
聖靈。獨與姿媚。易臣頑。顏鑿臣方心。規以大國
拔去。啗舌納以工言。文詞婉軟。步武輕便。齒牙饒美。眉睫增
妍。突梯卷鬻。為世所賢。公侯卿士。五屬十連。彼獨何人。長享
終天。言訖。又再拜稽首。俯伏以俟。至夜半。不得命。疲極而睡。
見有青襲朱裳。手持絳節。而來告曰。天孫告汝。詞良苦。凡
汝之言。吾所極知。汝擇而行。嫉彼不為。汝之所欲。汝自可期。
胡不為之。而誑我為。汝唯知恥。諂貌活辭。寧辱不貴。自適其
宜。中心已定。胡妄而祈。堅汝之心。密汝所持。得之為大。失不
汗卑。凡吾所有。不敢汝施。致命而昇。汝慎勿疑。嗚呼。天之所
命。不可中革。泣拜欣受。初悲後懌。抱拙終身。以死誰惕。

宥蝮蛇文

吾悲乎天形汝軀。絕翼去足。無以自扶。曲脊屈脅。惟行之紆。

目兼蜂蠆色混泥塗其頸感惡其腹次且寒蟲鈎牙穴出榛
居蓄怒而蟠街毒而趨志斲害物陰妬潛祖汝之稟受若是
雖欲為毒為蠖焉可得已凡汝之為惡非樂乎此緣形役性
不可自止草搖風動百毒齊起首拳脊努咄舌搖尾不逞其
凶若病乎已世皆寒心我獨悲爾吾將雍吾庭葺吾楹室吾
垣嚴吾高俾與草不植而穴隙不萌與汝異途不相交爭雖
汝之惡焉得而行噫造物者胡甚不仁而巧成汝質既稟乎
此能無危物賊害無辜惟汝之實陰陽為戾假汝忿疾余胡
汝尤是戮是扶宥汝于野自求終吉彼樵堅持艾農夫執耒
不幸而遇將除其害餘力一揮應手糜碎我雖汝活其惠實
大他人異心誰釋汝罪形既不化中焉能悔嗚呼悲乎汝必
死乎毒而不知反訟乎內今雖寬焉後則誰資陰陽爾造化
道烏乎在可不悲歎

斬曲几文

后皇植物所貴平直聖主取焉以建家國亘為棟楹齊為闡
闕外隅平端中室謹飾度焉以几維量之則君子憑之以輔
其德末代淫巧不師古式斷茲揉木以限肘腋詭形詭狀曲
程詐力制類奇邪用絕繩墨勾身陋狹危足僻側支不得舒
脅不遑息余胡斯蓄以亂人極追咎厥始惟物之殘稟氣失
中遭生不完託地堉堉反時燠寒鬱悶結澀瘞蹇艱難不可
以遂二虧其端離奇詰屈縮屈噴岬含蝎孕蠹外邪中乾或
因先容以售其蟠病夫甘焉制器以安彼風毒敗形陰沴遷
魄禍氣侵骨淫神化脉體及筋倦榮華衛逆乃喜茲物以為
已適器之不祥莫是為敵烏可昵近以招禍疢且人道甚惡

惟曲為先。在心為賊。在口為愆。在肩為僂。在膝為攣。戚施踣
跛。匍匐拘拳。古皆斥遠。莫致於前。問誰其類。惡木盜泉。朝歌
迴車。簡牘載焉。昭王市骨。樂毅歸燕。今我斬此。以希古賢。諂
諛宜惕。正直宜宣。道焉是達。法焉是專。咨爾君子。曷不乾
旒。和且平。獲祐于天。去惡在微。慎保其傳。

送窮文

韓退之

元和六年正月乙丑晦。主人使奴星結柳作車。縛草為船。載
糗糒。糗牛繫輓下。引帆上檣。三揖窮鬼而告之曰。聞子行有
目矣。鄙人不敢問所途。竊具船與車。備載糗糒。日吉時良。利
行四方。子飯一盂。子啜一觴。攜朋挈儔。去故就新。駕鹿獮風。
與電爭先。子無底滯之尤。我有資送之恩。子等有意於行乎。
屏息潛聽。如聞音聲。若嘯若啼。若歔若嘆。嬰毛髮盡豎。竦肩縮
頸。疑有而無。父乃可明。若有言者。曰。吾與子居。四十年餘。子
在我提。吾不子。愚子學子。耕求官與名。惟子是從。不變于初。
門神戶靈。我叱我呵。包羞詭隨。志不在他。子遷南茶。熱燥濕
蒸我。非其鄉。百鬼欺陵。太學四年。朝齋莫鹽。惟我保汝。人皆
汝嫌。自初及終。未始背汝。心無異謀。口絕行語。於何聽聞。云
我當去。是必夫子。信謔有間於予也。我鬼非人。安用車船。鼻
顛臭香。糗糒可捐。單獨一身。誰為朋儔。子苟備知。可數已不。
子能盡言。可謂聖智。情狀既露。敢不迴避。主人應之曰。子以
吾為真不知也。邪。子之朋儔。非六非四。在十去五。滿七除二。
各有主張。松立名字。按子覆羹。轉喉觸諱。凡所以使吾面目
可憎。語言無味者。皆子之志也。其名曰智窮。矯二亢二。惡圓
喜方。羞為姦欺。不忍害傷。其次名曰學窮。傲數與名。摘扶香

微高挹群言。執神之機。又其次曰文窮。不專一能。怪二奇。不可時施。祇以自嬉。又其次曰命窮。影與形殊。面醜心妍。利君衆後。責在人先。又其次曰交窮。磨肌長骨。吐出心肝。企足以待。寔我讎冤。凡此五鬼。爲吾五患。飢我寒我。興訛造訕。能使我迷。人莫能間。朝悔其行。暮已復然。蠅營狗苟。驅去復還。言未畢。五鬼相與張眼吐舌。跳踉偃仆。抵掌頓脚。失笑相顧。徐謂主人曰。子知我名。凡我所爲。驅我令去。小黠大癡。人生一世。其久幾何。吾立子名。百世不磨。小人君子。其心不同。惟乖於時。乃與天通。攜持琬琰。易一羊皮。餓於肥甘。慕彼糠粃。天下知子。誰過於子。雖遭斥逐。不忍子踈。謂子不信。請質詩壽。主人於是垂頭喪氣。上手稱謝。燒車與船。延之上座。

鱷魚文

維年月日。潮州刺史韓愈使軍事衙推秦濟以羊一猪一。投惡谿之潭水。以與鱷魚食。而告之曰。昔先王既有天下。列山澤。罔繩擗刃。以除蟲蛇惡物。爲民害者。驅而出之。四海之外。及後王德薄。不能遠有。則江漢之間。尚皆棄之。以與蠻夷楚越。況潮嶺海之間。去京師萬里。鱷魚之涵淹。郊育於此。亦固其所。今天子嗣唐位。神聖慈武。四海之外。六合之內。皆撫而有之。況禹跡所揜。揚州之近地。刺史縣令之所治。出貢賦。以供天地宗廟百神之祀。之壤者哉。鱷魚其不可與刺史雜處。此土也。刺史受天子命。守此土。治此民。而鱷魚睥然不安。谿潭據處。食民畜熊豕鹿麋。以肥其身。以種其子孫。與刺史亢拒。爭爲長雄。刺史雖駑弱。亦安肯爲鱷魚低首下心。佞其眼。爲民吏羞。以偷活於此邪。且承天子命。以來爲吏。固其

勢不得不與鱷魚辨鱷魚有知其聽刺史言潮之州大海在其南鯨鵬之大蝦蟹之細無不容歸以生以食鱷魚朝發而夕至也今與鱷魚約盡三日其率醜類南徙于海以避天子之命吏三日不能至五日不能至七日不能至終不肯徙也是不有刺史聽從其言也不然則是鱷魚其頑不靈刺史雖有言不聞不知也夫傲天子之命吏不聽其言不徙以避之與真頑不靈而為民物害者皆可殺刺史則選材技吏民操強弓毒矢以與鱷魚從事必盡殺乃止其無悔

勸學文

白樂天

有田不耕倉廩虛有書不教子孫愚倉廩虛兮歲月之子孫愚兮禮義疎若惟不耕與不教是乃父兄之過歟

弔古戰場文

李遐叔

浩浩乎平沙無垠夔不見人河水縈帶群山糾紛黯兮慘悽風悲日曛蓬斷草枯凜若霜晨鳥飛不下獸挺亡群亭長告余曰此古戰場也嘗覆三軍往之鬼哭天陰則聞傷心哉秦歟漢歟將近代歟吾聞夫齊魏徭戍荆韓召募萬里奔走連年暴露少草晨牧河冰夜渡地闊天長不知歸路寄身鋒刃脇臆誰訴秦漢而還多事四夷中州耗斁無世無之古稱戎夏不抗王師文教失宣武臣用奇之兵有異於仁義王道迂闊而莫為焉呼噫嘻吾想夫北風振漠胡兵伺便上將驕敵期門受戰野豎旌旗川列組練法重心駭威尊命賤利鏃穿骨驚沙入面主客相搏山川震眩聲圻江河勢崩雷電至若窮陰凝閉凜烈海隅積雪沒脰堅冰在鬚鷲鳥休巢征馬踟躕續續無溫墮指裂膚當此之時天假強胡憑陵殺氣以相

翦屠徑截輜重橫攻士卒都尉新降將軍復沒屍填巨港之
岸血滿長城之窟無貴無賤同為枯骨可勝言哉鼓衰兮力
盡矢竭兮弦絕白刃交兮寶刀折兩軍蹙兮生死決降矣哉
終身夷狄戰矣哉暴骨沙礫鳥無聲兮山寂兮夜正長兮風
淅淅兮冤鬼結兮天沉兮鬼神聚兮雲冪兮日光寒兮草短月
色苦兮霜白傷心慘目有如是耶吾聞之牧用趙卒大破林
胡開地千里還逃匈奴漢傾天下財殫力痛任人而已其在
多乎周逐狝狝至太原既城朔方全師而還飲至策勳和
樂且閑穆之捷捷君臣之間秦起長城竟海為閼荼毒生人
萬里未殷漢擊匈奴雖得陰山枕骸遍野功不補患蒼之蒸
民誰無父母提携捧負畏其不壽誰無兄弟如足如手誰無
夫婦如賓如友生也何恩殺之何咎其存其沒家莫聞知人
或有言將信將疑愉愉心目寢寐見之布奠傾觴哭望天涯
天地為愁草木悽悲甲祭不至精魂無依必有凶年人其流
離嗚呼噫嘻時耶命耶從古如斯為之柰何守在四夷

書師曠廟文

表皓

吟箕怨桐天其聲乎鏘石鏗金天其文乎擊革鳴絲天其暢
乎匏土之韻天其和乎天有至音寄斯八物先生不生斯音
鬱鬱先生既生斯音在律嗚呼先生之耳時可求也先生之
心不可得也天全樂乎先生之無神乎愚固狂而不可據先
生之有神乎愚堅誠而乞其圖先生之耳有神乎化為天下
之耳先生之心有神乎化為天下之心者可以舒於命然後
家知舜琴

上天鼓文

程浩

雷車闐之。六合喧吼。驟風雨於南極。簇星雲於北斗。遑俄選
慶。東海以波蕩擺太山而瓜剖。玉石至堅。切如泥濘。松栢至
勁。粉為枯朽。鼉皮擊考而魘魅。睽睽龍領。觝觸而鯨鯢奔走。陶鑄
造化之鑪。而鴻毛萬像。幹運乾坤之柄。而嬰孩群有。由是言
則九鼎瑣細。三山培塿。鼎鼐可以指揮。蓬萊可以背負。殊不測
離蒼天之近遠。當懼驚魂。在玄雲之幾重。徒勞矯首。及夫白
日雨歇。長虹霽後。列缺緩轡。玄真假手。蓄殘怒之未洩。聞餘
音之良久。而小子之繆學。敢獻疑於座右。今若為善惡之宰
主。操賞罰之休咎。胡不扶持頽閔之羶行。天闕踟躕之龜壽。
罪一亂臣。懲天下之凶醜。旌一孝行。激天下之悌友。法高懸
於堯典。刑不誠於周后。何必霹靂潛靈之龍。養育吠堯之狗。
宋

真宗皇帝勸學文

富家不用買良田。書中自有千鍾粟。安居不用架高堂。書中
自有黃金屋。出門莫恨無人隨。書中車馬多如簇。娶妻莫恨
無良媒。書中有女顏如玉。男兒欲遂平生志。六經勤向窗前
讀。

仁宗皇帝勸學文

朕觀無學人。無物堪比倫。若比於草木。草有靈。芝木有椿。若
比於禽獸。禽有鸞。鳳獸有麟。若比於糞土。糞滋五穀。土養民
世間無限物。無比無學人。

勸學文

柳耆卿

名耆卿
真郎

父母養其子而不教。是不愛其子也。雖教而不嚴。是亦不愛
其子也。父母教而不學。是子不愛其身也。雖學而不勤。是亦

不愛其身也是故養子必教教則必嚴嚴則必勤勤則必成
學則庶人之子為公卿不學則公卿之子為庶人

遣拙鬼文

王元之

予心之神靈予身窮經好古閱無廢文汝乃反吾巧而使
拙虧吾成而使缺好辭贈爾二行而決鬼乃躍然而俛首俯
躬而言曰子命昔窮我寄爾躬子命今達我辟爾室還子之
巧收吾之拙聖道是樂紛華無悅學海必至志剛無歇且戒
且勉且泣且別言已翻然而去予心釋然

論交趾文

夫中夏之於蠻貊猶人身之有四肢也運動伸縮瞻諸人心
故曰心為帝王之謂矣苟一手一足間血脉有滯筋骸不寧
則必藥餌以攻之攻之未和則必鍼砭以達之非不知藥餌
苦口而鍼砭破膚也蓋所損寡而所益多矣君天下者其猶
是歟我太祖皇帝受禪于周啓國在宋聲明文物一變及古
居帝王之位視蠻貊之病故一之二歲藥庸蜀餌湘潭二之
四歲鍼廣越砭吳楚筋髓血脉渙然小康非王者神機睿略
曷能至于此乎泊我后嗣守丕基躬攬庶政而以為并汾者
心腹之病也苟心腹未治四肢庸能治乎于是鍊仁義之藥
餌修道德之鍼砭大瘳于并一進而愈九州四海既康且寧
顧彼交州遠在天末實五服之外亦四肢之餘譬之于身猶
一指耳雖一指有患聖人得無念乎是用開爾昏庸被我聲
教爾其從乎况在有周白雉來獻降及炎漢銅柱高標至于
皇唐常曰內地唐亦多難未遑區平今茲聖朝孟覆萬國太
平之業亦既成矣封禪之禮將以修矣俟爾至止康乎帝躬

爾無向隅為我小恙俾我為絕踏斷節之計。用辱爾國悔其
焉。追矧夫爾水生珠我沉于泉爾巖孕金我捐于山非利爾
之寶也。爾民頭飛我有車馬爾民鼻飲我有酒食用革爾之
俗也。爾民斷髮我有衣衾爾民鳥語我有詩書教爾之禮也。
煌々炎洲煙蒸霧煮我飛堯雲灑爾甘雨湯々瘴海火燒日
鏖我張舜琴扇爾薰風爾天星辰人謂不識我廼紫微使之
拱極爾地魑魅人懼其怪我鑄大鼎使之不害出爾島夷觀
明堂辟雍乎。脫爾卉服視華衮山龍乎。爾其來乎無速厥辜
方將整其軍徒戒其鉦鼓向化我其赦逆命我其伐惟向背
吉凶在爾審

勸學文

王介甫

讀書不破費讀書是活利書顯官人才書添君子智有即起
書樓無即致書櫃怒前看古書燈下尋書義貧者因書富富
者因書貴愚者得書賢賢者因書利只見讀書榮不見讀書
墜賣金買書讀讀書買金易好書卒難逢好書真難致奉勸
讀書人好書在心記

英德殿上梁文

天都左界帝室中經誕惟僊聖之祠夙有神靈之宅嗣開宏
構追奉睟容方將廣舜孝於無窮豈特尚漢儀之有舊先皇
帝道該五泰德貫二儀文擢雲漢之章武布風霆之號華夏
歸仁而砥屬蠻夷馳義以駿奔清暉甫傳靈輿忽往超然姑
射山無一物之疵貌矣壽立堂有萬人之畏已葬鼎湖之弓
劍將游高廟之衣冠今皇帝孝奉神明恩涵動植纂禹之服
期成萬世之功見堯於堯未改三年之政乃眷熏脩之吉壤

載營館御之新宮。考協前彙述追先志。孝嚴列峙寢門。可象於平居。廟柘旁開輦路。故存於陳迹。官司肅給。斤築隆施。揆吉日以庀徒。舉修梁而考室。敢申善頌。以相歡謔。

兕即偉。拋梁東。聖主當陽坐禁中。明似九天昇曉日。恩如萬國轉春風。

兕即偉。拋梁西。瀚海兵銷太白低。王母玉環方自執。大宛金馬不須齎。

兕即偉。拋梁南。丙地星高每歲占。千障滅烽開嶺。徵萬艘輸。賚引江潭。

兕即偉。拋梁北。邊頭自此無鳴鏑。即看呼韓得上朝。休誇寶憲燕然勒。

兕即偉。拋梁上。彷彿神遊今可想。風馬雲車世。來金輿。王輦年。往。

兕即偉。拋梁下。萬靈隕祉扶宗柱。天垂嘉種。已豐年。地產珍符。方極化。

伏願上梁之後。聖躬樂豫。寶命靈長。松茂獻兩宮之壽。椒繁占六寢之祥。宗室藩維之彥。朝廷表幹之良。家傳慶典。代襲龍光。肩一心而顯相。保饋祀以無疆。

鰐魚文

陳希元

水之恠則曰惡兮。魚之悍則曰鰐兮。二者之異不可度兮。張氏之子。年方弱兮。尾之食之。胡為虐兮。烝二母氏。俾何說兮。予實命吏。顏斯作兮。害而弗去。道將索兮。夙夜思之。哀民瘼兮。起二吏。行斯恪兮。矯二巨尾。迎而搏兮。獲而獻之。俾人樂兮。鳴鼓召衆。春而斷兮。而今而後。津英廓兮。

逐伯強文

劉原父

皇之上天兮后土浩二厥生孔繁兮其施甚溥陶二仲夏兮
 草木蕃庶鳥獸孳息兮我民樂胥我民孔靈兮上帝是仁天子
 孔聖善工日新土無疵政兮下無悖人鄰里其集兮樂哉欣
 欣伯強何為兮孰異以政反世五福兮持極以令我民不怡
 兮既爽其盛白黑眩矜兮孰察其正謂壽反天兮謂康反病
 仁義無益兮苟且為幸嗟爾伯強兮其獨何心絕世和氣兮
 俾民不任上天孔神兮大德曰生天不可長罔兮民不可久
 侵天誅誠加兮安所避雷公驅兮風伯逝嗟爾伯強兮何所
 詣南有蠻兮為寇為逋西羌戎兮恃艱自虐天子孔仁兮靡
 焉畢屠伯強往兮代天伐誅嗟中國兮不可久留子不去兮

道情文

林半千

我處介軒繹史繡經孰朋何儔管君墨卿青燈夜分糧食自
 具肩高願隱不告幼瘠今如何其舍勤就嬉癡乃孰奕荒於
 嗜詩心空目妨尸行骨坐伊誰為厲維汝之惰汝之為物冥
 頑弗靈遇我之銳盍逐爾形胡造膏肓肆行膏臆窮而伎倆
 作我蠱賊始為汝惑尚或汝從今既汝薄斷不汝容禮以遣
 汝之宜亟去跪而來前明聽吾語乃語之曰世有雕堂綺櫺
 萃疇藉帷高門鼎貴安居自怡者汝盍往而從只有出轡入
 擊激鍾按鼓美人雜坐喉歌掌舞者爾盍往而從只有寒鷄
 炙鳧燔醢炮羔飯糞酒甕口腹貪饜者爾盍往而從只有冰
 純火毳雲組霧縠喜事容飾鮮衣裘服者爾盍往而從只有
 當擇人好當隨時舍是不往眷我何為於是惰崇聞言負愧

再拜而辭請對以意今其舍君母復我仇靈臺丹府盍亦與
謀居士曰嗟斯言之當予將付之尚子之望其徒寔繁盍率
以去庶無後言筋骸不支如醉斯寐黃昏為期伏几就睡予
其與子之友曰昏者去此知識頑昧學問空蒙倦編癩筆如
闇如龍子其與子之友曰愚者去此出悅紛華方寸日感腐
腸伐性東鷺西逐子其與子之友曰狂者去此鳴雷隱腹寒
粟襲身秤薪數米吟嘯淒辛子其與子之友曰窮者去此言
之未既五鬼前至若嘯若呼各請迴避居士乃笑悅軒渠尉
籍纏綿引觴自酌以當祖筵醒醉之醒神馳天全彼或去而
或留竟不知其所以然

戒弄潮文

蔡君謨

斗牛之分是越之中維江薄之最雄乘秋風而益怒乃其習

俗于以觀厥有善泗之徒競作弄潮之戲以父母所生之
遺體投魚龍不測之深淵自為矜夸時或沉溺精魄永淪於
泉下妻孥望哭於水濱生也有涯盍終於天命死而不弔重
棄於人倫推予不忍之心示爾無窮之戒所有今年觀潮並
依常例其軍人百姓輒敢弄潮並行科罰

勸學文

朱仲晦

勿謂今日不學而有來日勿謂今年不學而有來年日月逝
矣歲不我延嗚呼老矣是誰之愆

元

廣寒殿上梁文

徐世隆

析木星躔臨士馬雄疆之地瓊華仙島營帝王遊豫之宮蓋
因前代規模便有內都氣象金臺南峙玉泉西流北襟山勢

真龍虎之區。東帶海濤。盡魚鹽之國。控河朔上流之上。居今日中原之中。是宜均貢賦于四方。定龜鼎於億載。况朝覲必有接見之所。凡宮室本非逸樂而為恭惟皇帝陛下功塞兩間。德光五葉。明俊德以親九族。脩文德而來遠人。以至治不世出之英姿。舉累朝未暇行之令典。既嚴先廟。當備行宮。念人疲飛輓而尚未全。蘇雖躬在暴露而不自為苦。遂至干戈之載。載始令棟宇之量。修壯未央而龍象亦風。蕭相重威之設。葺九成而損隋制。慕唐皇去秦之心。即廣興之廢。基應清暑之故事。敬滄穀且爰舉栢梁。敢陳工誦之言。庸代子心之詠。

拋梁東海外。三韓向化風。鴨綠江頭無戰伐。盡銷金甲事春農。拋梁南。惠雨仁風洗旱嵐。干羽兩階苗自格。龍包不艾同。

庭柱拋梁西。銀嶺兵關。太白低聞道。上都朝會。到來齊拋梁北。天道北旋。昌水德周天。列宿象臣民。萬歲秋拱宸極。拋梁上。雲馭雷旌。擁仙仗。長春白鶴自天來。紫雲吾皇降靈。既拋梁下。葦路春風。促龍駕。都人莫訝晚迴。亦金秋郊。恐損如雲稼。伏願上梁之後。一人有慶。萬壽無疆。地儀厚配於長秋。天位普臨於諸夏。青宮朱戟。曄々相輝。玉葉金枝。綿々不絕。鸞臺鳳閣。咸登柱石之臣。象郡雞林。永作藩維之守。國無撓棟。民悉奠居。延及魚鳥之微生。亦遂池臺之同樂。

太廟上梁文

王磐

聖人作事。仰憲百王。都邑成規。要傳萬世。越皇居之肇建。必宗廟以為先。是故舜紹堯基。歸格於藝祖之室。周成洛邑。烝祭於文王之宮。典冊相傳。古今一制。今皇帝仁涵動植。孝奉

神明飲食菲薄而豐腆於采盛衣服純素而鮮華於散冕講
求故事太常之禮樂一新圖任舊人漢官之威儀漸復敬擇
吉地爰立太宮百堵皆興千楹並列堅杪文梓半出於江南
巨栢長松并來於山北共勸樂趨之役咸成不日之功因舉
脩梁輒伸善頌

拋梁東瀚海無波舟楫通行見新羅兼日本共來助祭賀新宮
拋梁西西域重開路不迷碧填明珠駝蒲背香犀藥草似長堤
拋梁南楚風輕脆尚虛談供奈包茅宜早貢莫誇天險恃江潭
拋梁北萬勇不能當一德龍沙戰士深天黃舞干未久黃雲
拋梁上綿蕞新儀參法象禮文隆殺和真意國兩生何六
拋梁下天開有道扶宗社列聖相承四紀餘于今初觀一
廟柱丞嘗禱祀保百世之宗祧朝觀會同來萬方之王帛各
安環堵室同作太平人

東宮正殿上梁文

盧處道

玉冊金文既正重離之位桂宮蘭殿載新游震之君蓋將別
冢嫡以繫人心所以敬儲闈而貳宸極恭惟皇帝陛下統垂
萬世德冠百王以不世之英姿修曠古之墜典頃因定鼎爰
用正朝固非逸豫之期率皆社稷之計每稷然思隆萬世之
本其必也能聳四方之觀廼眷春宮式崇丕構敬惟皇太子
殿下溫文日就岐嶷生知趨朝回馳道之車侍幄辨南陽之
牘然不有師賓接見之所則何以示軌範不有衛率環列之
所則何以明等威於是少府獻圖之官督役顧儼畫出內帑
經費不煩大農萃棟榑豫章之材罄般輪梓匠之技規模素

定斤築隆施。繡栢華棟。拱星辰於閭闔。飛橋複道。接雲氣於蓬萊。允叶龜謀。共扶虹棟。敢申善頌。以相歡謠。

拋梁東。太液滄波與海通。玉殿問安。儻仗曉鬱。葱浮動廣寒宮。

拋梁西。京觀巍峩太白低。少海旌旗。葱嶺捷。至今威信徹羗氏。

拋梁南。天策元勳。自可參鈇。繫小才蕭統輩。癡兒官事。竟何堪。

拋梁北。勿謂天高人。叵測。君卿半夜。望前星。輝耀晶然。拱辰極。

拋梁上。萬國歡欣。觀明兩。金相玉裕。德無疵。主鬯承祧。神自享。

拋梁下。翼書青宮。崇廣廈。橫經問道。重師儒。卻笑瀛洲。非大雅。

伏願拋梁之後。殿下端君。鶴禁誕荷。鴻休得保。傳若二疎。有賓

客如四皓。問安視膳。克盡兩宮之懽。益國無軍。大慰兆民之望。

尚書省上梁文

簡子靜

龍蟠虎踞。近依天闕之九重。鳥華電飛。擊文鳥之八座。招

風雲之慶會。登華夏之具瞻。麟鳳采游。燕雀相賀。欽惟聖朝

鑿天張宇。巨地開封。混六合以為家。攬羣英而入彀。周卿有

六以冢宰。統百官。唐省分三。曰尚書。總庶務。喉舌典樞機之

密。股肱資輔佐之良。惟政事之有堂。寔熙朝之盛典。再消吉

地。爰築新基。營求落落之奇材。構出潭潭之仙府。左帶鳳池

之水。右瞻鰲冠之峯。聽鷄有便於趨朝。待漏不煩于他所。三

槐論道。端居上相之尊。一筆為霖。廣作蒼生之福。允協龜策

共舉虹梁。博採歡謠。庸申善頌。

拋梁東。日出扶桑。化景融。盡道今年春澤好。安排酒慶年豐

拋梁南。解慍風清。澍雨甘。萬頃黃雲。登夏麥。千村白雪。簇春蠶

拋梁西。月窟無塵。太白低。九曲河清。蛟蜃逐。萬年枝。穩鳳鸞棲

拋梁北。玉牒交歡。懷聖德。草芳駉駉。附龍鱗。沙暖鵲鳩。攀鳳翼

拋梁上。調元上。應璿璣象。輔德常依紫極垣。洗兵更挽銀河浪。
拋梁下。發政施仁自鰥寡。甄陶萬類入洪鈞。廕庇八荒開廣廈。
伏願上梁之後三辰即序。庶政惟和。邦畿符鼎足之安。輔相
協棟隆之吉。二十四考。休誇中令之賢材。萬八千年共祝天
皇之聖壽。

九先生祠上梁文

薛友諒

道行天地之間。固存消長。世之聖賢之出。孰與網維。欲開我
後人。必須先覺者。濂溪先生。圖立太極。學契聖功。發四端萬
善之原。扶三綱五常之教。幸親傳之明道。而復授以伊川。况
康節之同時。有橫渠之行輩。文正挺生於涑水。南軒迭起於
漢川。在呂太史。豈曰小知。至朱晦庵。始為大備。歷乎千載。寔
九人視漢唐。前詒之徒。尚倍從祀。接孔孟。湮微之統。豈有
叢祠爰即川庠。載嚴像設。莫篤信好。學士之七。皆見賢思齊之
心。縱有遊秦人。必願受廩而出。於變離騷。國須捨所學而從
助。翠脩梁。恭陳善頌。

拋梁東。人在光風霽月中。為報德源來。學者精思力踐。是豈雄
拋梁西。先哲從游記。鄩鄩樂地一言良。有悟更能談易。撮臯比
拋梁南。春染沅江一帶藍。時不再來。如逝水。亟將伊洛學。窮探
拋梁北。斯文復振無楊墨。集成今說考。亭功畢竟是傳來。魯國
拋梁上。天根月窟閑來往。欲將妙理向詩尋。靜著工夫讀擊壤。
拋梁下。朝家咫尺求儒雅。致君堯舜看成規。通鑑一編無古者。
伏願上梁之後。師儒輩出。理學大明。廣性命道德之傳。齊禮樂
文明之治。揭茲盛典。化及遐方。

大次殿上梁文

宋誠夫

太室奉先勝饗之情斯在齋庭設次敬共之念彌興于以為
中嚴外辨之需于以構上棟下宇之壯配天其澤不日告成
共惟皇帝陛下先祖是皇神明其德議禮盡致曲之道享親
極如在之誠玉瓚黃流躬莅四時之祭龍袞玄冕力還三代
之儀且聖人垂遷坐之規斯明主制齋心之地度闕宮之密
邇掄良梓以經營繩直準平駮考工之斤斧芒寒色正烟清
廟之星辰陟降彤庭往來黃道凡所以如聲音笑貌在其上
皆以其思居處志意於此中適穀旦之載洵致柏梁之對舉
爰歌六備用相羣工

拋梁東淑氣扶興九廟中獻歲發春當禴祭太平天子宿齋宮

拋梁西天子秋嘗執鎮圭明發有懷常不寐萬幾思慮一時齊

梁南祠祭淵衷神所監登降周旋無復禮官遷秩聖恩覃

拋梁北犬烝歲祭駢牛一聖君方寸儘神通先平一秋常配食

拋梁上三后在天時陟降風馬雲輿恍惚中神靈只為多儀享

拋梁下天子孝思天下化鬱金柜忝與菁茅錫貢紛走諸夏

伏願上梁之後宗祏鼎安本支益茂黼黻謹彌文於燕翼精神

執彝器而駿奔二世穆一世昭永配明禋於文祖三年禘四年

禘載隆純嘏於神孫泰山四維天子萬壽

文翰類選大成一百十

送窮

送窮文

劉基

余寧有物兮龍首人身蓬頭鼠目兮其音若伸跳踉蹌治兮
 若遠而親歛往若來兮忽笑以擊覺而異之乃具糗芳潔豆
 觴過老郭而問之曰是何祥也郭子衰然啓讀拂著露沕而
 筮之遇困之兌其繇曰困于掄亢中有狐舉趾躡胡毀踵及
 顛其泣嬰如恣雖醜駭孔際以窺如垢如脂才十追隨求遠
 得遲郭子釋策而笑曰是窮鬼也其為物也入山之空入澤
 澤荒人而遭之窮不可當載後載後道之他方可以無殃余
 曰苟然矣遣之何居郭子曰子第為之所我請為子逐之余
 曰唯之乃致詞曰嗟爾窮鬼兮無處我處之物洞胡廓以虛陸
 登克類有圖書壘殖橋食救與疏守分自足不求餘汝不可

留阻步趨左有爵焉若有奈鞶索縛汝飼老鳥嗟爾窮鬼兮
無泊我市九衢四達平若砥高樓大屋齋雲起冠裳濟之集
俊士謀謨折衝格選邇汝不可往耗儲侍山川靈神歆穆祀
孟涂司刑伐爾死嗟爾窮鬼兮無依我城垣墉岬睨高不可
陵溝澗深浚旃以刑重門擊柝鐘鼓旬片堦謹肅列旗旌汝
不可往搆妖狎健兒披甲眼若星長戈勁箭守爾形嗟爾窮
鬼兮無適我野田疇井之治而不直禾麻豆麥梧梓禰奉之
蔚蔚被窪野歲時裡祀達方社汝不可往原隰肅朱衣赤郭騎
駿馬執汝鬻肉燔其髀嗟爾窮鬼兮無上天高明行健覆八
挺轉旋日月照幽玄溫涼噓吹寒暑前陶洽萬物成歲年汝
不可往亂星纏黔羸憑怒施雅鞭破骸碎骨喪爾元嗟爾窮
鬼兮無下地博厚載物生育庶類江河順流山岳峙融結蒼
洩百寶出洪纖蠶頤各奠位汝不可往坤軸鮑黃示土伯威
震恚艾殄爾種灰厥酬嗟爾窮鬼兮無潛於山岩熬石核立健
關立林陵麓產植蕃閔隅風氣限夷蠻領雲腹雨濡旱乾汝
不可往鼓神之涉蠱泰逢毛虎班噬膚嚼肉流血殷嗟爾窮鬼
兮無入于水大瀛包納川瀆委疏煩洩穢通脉理魚鹽蟹鰕
奏鮮旨蛟鼉龜鼈截譎汝不可往陵谷圯天吳九頭掉九
尾磨牙吮血糜爛爾已大泊蕩之無涯垠青冥杳茫不見人
曹之漢之混昏晨瀉之不虚壅之不埋不甘不苦淡以淳汝
往居之寂無鄰乘騎光景入網緼保全爾軀絕詭噴汝不寤
兮滅為塵急之如律令

詰皓華文

宋濂

龍門生間居累日弗懌雖深自寬碎卒未能釋去頗聞道家

之言肺神皓華者實主憂因假為問對作詰皓華文文曰
上章困敦在旦之月火雲不移積氣燄執時龍門生黯慘弗
悅顏面腫噲精神鬱勃顏文九折麋梁雙闕首不暇冠足何
能襪其友亡羊先生哀之請匡山君曰龍門生病矣為祆所
嬖矣其中猗之喪神守矣匡山君曰花妖媚武園崇惑赤仇
鐸投纒荀伯赴溺移昭入幽倒白作黑不遑其逐卒實靈暖
龍門生之所罹殆此疾也邪亡羊先生曰不然也彼自外入
有隙斯窳此自內出無罅可遁昔者玄靈錫真黃苞承鈞膠膠
者人之心為五神守靈威明龍燿育嬰或喜而眉揚或怒而色
頰或恐而湮淪或思而纏索或隸彼司別域異局中有皓華
其字虛成西方之英白琥之精於丹為秋擊斂華榮於音為
商肅殺之聲於行為金厥德維剛下藏為肺百憂所城察之

浴目童文

浴目童子我目之精凝媁五神配合三靈素質四皓圓暈東
青南丹注背比玄朶晴約束臉胞黃中之英氣幾內動藏系
外徵啓闢人牖通洩天明聚為根蒂敷為華榮衆咸允賴爾
獨失貞孰不若電洞觀八絃爾於尺尺不分五牲誰不如月
照徹七經爾類湊凡僅辯一丁此朋而執孰眇弗迎彼不面
識反揖而承類或自批類常發類辟如水母藉蝦始征又如
野狼挾狙則逞皆爾弗職以玷我形童子曰噫何言之矣賦
授自天初無恒制堯眉八彩岳黃以蠶聃耳無輪憤額斯瞽
已口類海駁陘且銳澤鼻如蝟欽直而細四者猶殊目胡不
異或牟其參表礪明嚴或角而方遐舉長世或驟而揚或駘
而翳一囿于玄我則何繫矧子淫書膏焚畧繼摘按辭藻搜

剔文藝。肺鏤肝雕。心鉢腎剝。我剗我揉。我斲我孽。八廓注邪。
五輪受厲。靡精弗喪。有明益瘞。我合子躬。如左右契。子榮我
尊。我跌子謚。豈圖子玷。成此左計。咨爾童子。爾辭固臧。傳以
正理。則涉于涼。形雖異賦。尔宜自強。何取其竅。乃釋其良書。
滂所致。尤隨意量。映雪席夏。聚螢囊刺。股流血懸。髻于梁。
未聞其日。遽縮晶光。是謂道辭。君子所襄。星野有合。雲漢成
章。測步幽眇。挈度機祥。為爾之故。不知低昂。三條占限。兩戒
畫疆。氣勢旁魄。民物浩穰。為爾之故。足不及行。述此二端。餘
可類詳。尚飾巧言。陳法列方。孰為曲直。敢矯而亢。童子曰噫。
士貴自謀。匪狡足恃。唯道是適。考亭有喜。慶慶則脩。厥視雖
短。所履孔優。一紹道緒。上逝魯騶。完經翼傳。衣被九丘。一昌
其緯。出孔入周。有光赫施。昭若參旂。子不此即。而反我仇。據

蜂彌豹。豈無烟眸。鼓辭樂禍。腥聞不收。偃瞻文眇。世所嘲咻。
內美之章。玉璫黃流。子苟弗悞。自貽大郵。何河而厄。何漆以
休。何青以諉。何肉而囚。子勿冥思。焚若繭抽。遺形全智。與造
化游。我雖俚言。寔為遠猶。毋慚墨。成此練。童子言已。我
心之夜蒙。俱既寢斷。苗亦陋植。緒太纖削。瓜匪秀號。尊聖哲
名。亘宇宙。非形之妍。唯德之茂。况目在形。實造一豆。雖耗非
警。物亦云觀。縱瞽焉。亦有用。輒售矇。瞍三品。備子樂。奏國語
成。書事明。若書矜。察秋毫。或速殃。咎潛曜。自將神腴。內富五
色。免惑一誠。自守幸。遂遵養。庶絕馳驟。禍福倚伏。理嘗易究。
所憂忘荒。如營四耐。本實不培。枝葉巧湊。弗別莠。未徒煩。籥
耨。童習固勤。白紛罔就。千古居前。万世在後。虛生其間。冠裳
狝狝。自今伊始。啓矇撤覆。責躬靡違。敢目之詬。我道之疑。我

學之懋上慎旃哉吾言不又

逐鷓文

來汝鷓上堪下與萬物並育各全其生以蕃以族飛續縉
蠕動蹙血鱗介潛淵毛蹄藏陸文華燿燿形模繚曲游泳同
娛噉呀相逐既拘於氣曷禁夫欲大或啗小衆將壓獨唯類
之求於人敢觸來汝鷓相度尔生取形甚微賦質黝昧樂生
穢卑啄磔蟲蛤捕索蠹魚含蓄俛及軒露掘寄非疾噉嘔無
疾墜溲產醜術惡朝息夕孳不胎而疑憑化而馳不知而孕
與梁相依初若蠢萌漸則奮飛來汝鷓爾鷓刀鏃尔胃芒刺
不爾之零所出曷異鳴如雷殷聚若雲翳綠撲撲肌嗜噉口
咀投間抵隙潛察默覷體如粟眇吻若錐利中有豹脚勢尤
可畏高沙斃女西洋死吏艾熏徒力羽扇不避我人尚然矧

彼物類來汝鷓物豈無嘔與爾不同也口出子一氣之從驢
嗑吐絲局駭異封鳥能嗽金昆明所鐘鷄或懸綬色眩黃紅
惟尔肆孽胎此禍凶草木所化濤水是宮無若汝慘厥害則
鳴予今逐尔欲滅尔蹤嗚呼我挺之將兮其長媿示尔鷓我
逐兮亟去勿留徃彼北荒兮其土幽々鬼物披攘兮豺兕伊
嚶爾宜吐蚊兮齧彼若仇胡宅中土兮自貽大郵我逐尔鷓
兮下民用体鷓既逐兮梧桐肺々鳳皇下徠兮嗚聲噉噉

續太始天元冊文

太虛寥廓肇基化元萬物資始五運終天布氣真靈摠統坤
元九星懸朗七曜周旋曰陰曰陽曰柔曰剛幽顯既位寒暑
弛張生々化々品物咸章川嶽奠裔草木暢英精氣上浮滓
歲下減塊比無朕膠葛載更迴合交鬱誕于民靈苞黃內玄

處外朔中建統人極敷引道宗銷并六厲式正五常大儀玄
幹六子類從凡厥攸為壹底乎同天工以成人化以行如環
相循不知其始終

勉學文

李繼本

勉爾學子植爾天君爾志不惰爾德乃新爾年漸長爾業當
勤六藝六經爾其攷二而汲二五常五教爾其勉二而循二
勿矜已長將招謗而捐德勿議人短必取禍而殺身勿謂記
問為餘事孰可為康成之同倫勿謂文章為小技孰可儼史
遷之雄文勿謂天可欺積善之家有餘慶勿謂人可罔暗室
之中有鬼神勿謂今年不學有來年恐老矣老矣而徒悔勿
謂今日不學有來日懼四五十而無聞勉爾學子杜爾天
君直補過為寧行順性為純仁誠篤為踐履忠孝為本根近
泗正派軼關洛芳塵備哉君子允為百世之士豈曰一鄉
之人而已乎

東安縣勸農文

洪範八政食貨為先周詩二南風化為首蓋食貨者生民衣
食之本而風化者邦家政治之基也我
聖天子恭儉愛民勵精圖治故田野之中克勤為耕織而庠
序之內益勉於詩書予欽奉德音來領縣事大懼微才無補
有虧於承宣之功復慮惰農自安有妨乎生養之計今四陽
布德而萬物增輝祥風送暖於花朝瑞壺融春於麥隴予當
勸農而務本爾宜竭力以治其生耕尔田播尔穀蓄尔鷄種
尔桑麻督併工程愛惜時日既効勞於春夏必收功於秋冬

下可以免家門之飢寒。上可以應官府之賦役。然衣食之既足。則風化之當與其脩尔身。飭尔行。孝養尔父母。友愛尔兄弟。和睦尔鄉鄰。賙恤尔宗族。男則訓之以學業。女則教之以禮儀。毋怠。毋荒。毋游蕩。毋違律令。而陷刑憲。毋肆姦欺而行暴凶。將見民安物和。政平俗美。無老無幼。莫不霑皇。上仁漸義磨之風。一社一鄉。舉皆被聖世海涵春育之化。故作勸農之語。以開示民之心。尔農其毋忽。

鄉飲酒司正文

禮飲酒。蓋以叙齒德。別尊卑。勵廉讓。敦俗化也。故六十者坐。五十者立。禮之節也。擯以接賓。相以贊禮。射以觀德。司正以糾過。設几筵。設簋豆。設鍾鼓。完絃歌。鹿鳴歌。四牡歌。皇三者。華禮之文也。陳之以六德。導之以六行。申之以六藝。禮之教也。敬以束之情。以昭之威儀。以飭之二獻之頃。賓主百拜。爵雖無筭。不酬不滂。禮之謹乎。始終也。於斯時也。凝然其齋莊。昭然其和。淡。璧之。琴瑟於一堂。而宮商相宣。羅星緯於靈穹。而分次不紊也。我諸君子。今其萃於斯。飲於斯。觀禮於斯。有賓焉。有主焉。有執事焉。其敬尔威儀。慎爾德度。謹尔話言。不誼譁。不怠傲。不墜彝典。而永有令譽矣。

蕭氏本道新居

上梁文

解摺

伏以日月文明。山河雄壯。新千萬間之廣廈。掩山道之腹。杞梓良材。值蓬百福。攸同。有是父有是

繡。泰來恒九。數百載之名家。華故鼎。山色螺水生光。恭惟某脩身為本。味米之清淺。桑榆暮景。見華萼之光輝。丁一惠競爽。難為弟。難為兄。合璧聯

珠照靈椿之風裁金聲
系緒豈比尋常之士族
珂之里綺窓綉戶依然
之最芝蘭迎化日待龍
翰墨牙籤玉軸家傳賢
並舉六偉齊歌

工應發丹桂之天香昭代簪纓賢侯
曰宜高大於門閭碧瓦朱甍久矣鳴
鼎鼎之家樽俎得歲時集鳳閣寫臺
虎榜之魁雲漢天章世守帝王之
之詩書架海擎天飛雲卷雨雙虹

拋梁東瀘水塔之接大

南唐御史家風在五色祥光正鬱

西祠堂高聳與雲齊松

山青未了月明時有鶴來棲

南御史文章冠斗南寫

尚在招提境時有遊人一駐驂

北白沙潭水蟾光白山

心旺氣壯丹紅人道蕭門有陰德

上天闕文星光萬丈五

祥雲捧

至皇神靈八葉蕭丞相

下一雙白壁連城價忠

臣孝子本同門定有聲名滿華夏

伏願上梁之後老者黃

髮而安少者青雲得路闔門兆應於

憂能禁闕聲馳於附鳳

公侯子孫復其始泰山盤石以同安

魯後周前天長地久

重創忠節祠堂上梁文

周忱

伏以與日月爭光忠

素推於前哲為江山出色祠堂重構

於明時吾道方亨人心

允協恭惟宋太師楚國歐陽文忠公

及列位忠節先賢乾

正氣今古偉人其學問推韓子孟子

以達乎聖人其事業希周公召公以及乎伊尹或捲鈞衡或

秉鈇鉞文武兼備其

有居史館有列諫垣夷檢各致其力

黜浮崇雅文起歷代

之哀殺身成仁勇奪三軍之氣臣節獨

全於建鄴。儒風肇振。於廬陵。封章則屢斥於權。茲引拔則必歸於士類。臨終猶憤。知韓侂胄之擅權。竄逐不辭。發史彌遠之姦計。真能以社稷為悅。誠知非堯舜不言。慟哭以救深州。慷慨激烈。從容而死。熙市俊偉。光明功德。在民文章。傳世三綱。五常賴以不墜。四乃萬國為之同欽。揭虔妥靈。舊合祠於鄉郡。尋基覓址。今類北於立墟。聿新鼎盛之宏規。重觀太平之氣象。茲蓋伏遇湖西道僉憲高相公閣下。志存忠諒。學有本源。以激揚清濁。服人心。以脩舉廢墜。為己任。復惟本郡太守列位公相。圭璋令器。祀梓良材。白簡豈冠。昔動搖於山嶽。朱旛皂蓋。今撫字於博鰲。况別駕得龐統之賢。而倅車有孫何之美。同寅協恭。共贊龔黃之治。屬僚奉職。亦宣卓魯之能。當庶政咸和之時。正百廢具興之日。觀風使既為之倡。牧民

官遂玉于成。好義而輕其財。雲集故家之豪傑。獻巧而利其器。駿奔妙手之工師。經之營之。完矣美矣。洋洋在上。便瞻廟貌之巍。我藹之吉人。會觀文風之興起。請陳六帟。助舉雙虹。梁之東。千山翠嶂。玉芙蓉。日上扶桑。滄海開恩。江文水畫。朝宗梁之西。萬家樓閣。與雲齊。梧桐華葦。長岡列瑞。世重看彩鳳樓。梁之南。章江一道。似接藍。古渡舟橫。大泉口。平園綠野。在江南。梁之北。覺官翠簪。參天栢。鄉衮遺風。數百年。衿佩說之。仰標格。梁之上。閭闔五雲。光蕩之。褒崇重望。制書果正。氣夜衝牛斗。上梁之下。燈火書聲。徹清夜。春秋祭祀。永無窮。政事文章。足盡價。伏願上梁之後。日月光華。兩賜調順。皇圖鞏固。巨宇宙。以長新廟貌。尊嚴。歷歲時而共祀。天為星。辰地為河。嶽。賸膏馥於後人。功施社稷。德被生民。紹聲光於永世。江山偉觀。鐘鼓清時。

彭氏務威新居偉文

胡啓先

伏以天台山彭澤居已觀昔時之壯觀度公樓審氏宅又觀
 今日之恢弘苟非心上經綸安得眼前突兀共惟務威處士
 系傳商大夫之後名振漢光武之朝人物彬彬奕世之英雄
 俊邁孫枝濟濟千年之喬木故家惟秉彝倫心存合變慈親
 晚歲足極乎斑衣菽水之懽兄弟青年能盡乎大衾長枕之
 樂出必告反必面之勞不怠食同被衣同服之禮無荒經之
 營之從容乎前列座後列廊之布置斧被鐮被沉潛乎大為
 宗細為捕之安排惟此光風霽月之懷足此地靈人傑之美
 講櫺櫺株楹闈店樓上下各得其宜畫棟雕梁綺窓綉闥左
 右適遂其如暈斯飛如岐斯翼惟北有斗惟南有箕植花
 竹松栢無不精時之極列詩書圖史成歌化日之長咨爾江

東情

西清不澄碧繞中溪浪湧挑花魚變化沙鷗欲傍鳳凰飛

南湖山一孤擁清嵐松竹分行陰滿地高車駟馬喜停驂

北草木齊芳山一色仙童時下五雲中咲指前崗龍有脉

上河漢無雲天蕩漾豐城誰識鑛錡精昨夜龍光高萬丈

下高人逸士常留駕滿架詩書與棟高科第聲名滿天下

伏願上梁之後壽而富富而壽百世其昌孫又子子又孫千

秋永穀山輩遐齡之固岳開家慶之祥道在人弘福從天降

賀劉球貢士步蟾坊上牌文

伏以步蟾宮折仙桂既看此日之成名叫閭闔呈琅玕佇俟

少年之登第自應萬選而萬中可以必達而必聞用揭新題

伏以步蟾宮折仙桂既看此日之成名叫閭闔呈琅玕佇俟

少年之登第自應萬選而萬中可以必達而必聞用揭新題

以旌勝地。伏惟求樂貢士。鍾山川秀。負廊廟材。選於里。舉於鄉。由小學而入大學。依於仁。游於藝。即賢人而希聖人。辛勤乎二十年之韶華。特出乎千萬人之聰慧。由也果。賜也達。求也藝。藁中見數子之賢。夏尚忠。商尚質。周尚文。明時觀三代之盛。惟幼學壯行之幾。在此故家齊國治之效。可期前科十八名。後科十八名。好承胡瑗之衣鉢。會試三千字。殿試三千字。筆着實。誼之文章。士友荷進取之榮。朝廷有得人之慶。道其道德。其德蓋本有授有傳。見所見聞。所聞於是。是可久。可大白。是成章。必達實。為有志竟成。曾中經書。天下事業。君子之澤。詩書之澤。人間稱劉向之子孫。人物之光。江山之光。眼底見。鄉公之鄉里。欲羨其美。當書其書。惟上官之公言。乃衆人之公言。在今日之功烈。乃後世之功烈。堂堂大字表。名坊詩曰。

劉郎少年文采雄。騎鯨直上廣寒宮。廣寒宮中挂初發。秋風有約從人折。只今歸作桑梓深。兒童到處稱姓名。

文翰類選大成卷百十

Blank page with some faint, illegible markings and a small mark on the left edge.

問所

Vertical text columns on the right page, including a large dark smudge and a small mark on the right edge.

